



Telefon: 585-9500 • Fax: 585-0951 • Santa Cruz # 110 • e-mail: solodipueblo@hotmail.com

Dialuna 4 April 2011 - Edicion 5 Vol. 1540 - Sta. Cruz # 110 Tel: 5859500

Fax:5850951 - E-mail: solodipueblo@gmail.com

1.50



Fiesta Divina Misericordia
Beatificacion

Papa Juan Pablo II
1 Mei 2011



MINISTER DOWERS TA ATACA HUEZNAN NA ARUBA FRONTAL!

Proyecto di dump ta hole sabotahe contra di e compania



AUMENTO DI AWA Y CORIENTE: OTRO PROMESA FALSO DI AVP

MEP A WORDO CASTIGA PA SU SINCERIDAD, MIENTRAS
PUEBLO A KERE DEN AVP SU PROMESANAN FALSO!!

Plan di AVP 'Aruba Ariba' a resulta den 'Aruba Abao': At'e cambio a dalbo!

Manifestacion contra 'costo di bida' y 'mal maneho' ta na caminda!

Gruponan a reuni den weekend pa organiza e prome manifestacion contra AVP

STA. CRUZ -- Ta parce cu Aruba ta cla! E tempo di gloria di Gobierno di AVP a pasa pa pasado. Ta obvio cu Mike Eman a gaña pueblo formalmente. El'a bisa cu e tin un plan 'Ariba'Ariba' cu a resulta den Ariba Abao. Tur cos ta bayendo malo den nos pais. Mal maneho y mal gastamento di placa ta cuminda di Gobierno. Ultimo a saca placa di 'amigo pa amigo' dunando Tico Croes 220 mil florin. E delaster gota tabata e aprobacion di AVP pa aumenta awa cu coriente y gasolin. Pues e grupo a reuni pa asina determina e fecha pa asina manda pidi e permiso na polis. Polis no tin niun motibo pa nenga e manifestacion. E manifestacion ta uno pacifico unda lo protesta contra aumento di costo di bida. E mobilizacion ta bay ta masal y gobierno di AVP lo haya e signal cu TA BASTA!

Mas accion contra Dowers! Trahadornan di Kia ta huelga awemainta 7'or! Cantidad di preocupacion na Kia

STA. CRUZ -- Kia ta huelga awe pa 7'or di mainta! Esaki ta e informacion cu nos a logra haya: Basta siman caba nos ta wordo lastra riba bao tur caminda, corant/radio y tur caminda bo pasa den uniform hende ta waak bo cu un cara. Hopi di nos ta fada di basta tiempo caba pero como miembro di dienst groep nos ta prefera di ta mas safe y haci'e pa niun hende wordo perhudica. Awe dialuna dia 4 di April nos lo ta para pafor pa un meeting pa hunto nos papia di tur cu ta bayendo malo pariba: UNION ta haci FORZA. Tur otro dienst, ora nan Sali, bo ta miranan ta back up otro. AWOR a yega turno di nos, como trahadornan di prizon pa UNI y mustra nos malcontento: OPLEIDING, nos VEILIGHEID, RE-ORGANISATIE, un simpel cos manera e BON. Ainda no por drecha pa nos, e STOELNAN riba afdeling. BEVORDERING ta para y hopi mas cu nos tin. ABO FALTA PA MUESTRA BO CARA, PARA FIRME PA NOS TUR HUNTO MUESTRA MINISTER CU NOS TA HOPI SERIO Y CANSA DI E MANERA CON E TA TRATA NOS. Corda AWE DIALUNA 4 DI APRIL PA 7'OR DI MAINTA DEN PARKINGLOT. Pues esaki ta mas problema pa Dowers cu awe dialuna mainta ta habri atrobe cu mas descontento, protesta y huelga contra dje.



Atraco na Pizza Hut na Piedra Plat

Na ciere di nos redaccion, pa 11'or di anochi a tuma lugar un atraco arma ariba Pizza Hut na Piedra Plat. Hombenan arma a drenta y menaza empleadonan pa placa. Na prome instante a resisti, pero despues a entreganan e botin di venta cu aparentemente ta suma na 20 mil florin. Mas informacion lo sigui den nos edicion di mañan.

Noticia di Colombia di Chaldira Vis:

Chaldira ta fuera di peligro



Belasting ta bende "Pelican Gift Shop" na vindishi Nan ta yame "Grandioso Vindishi"

Gerencia Aruba Ports Authority NV: NA TUR
DOÑO DI RANCHO

Entrante 4 di Mei mayoria di rancho na Barcadera lo ser basha abao

FIESTA ROTARIA 2011 A RESULTA UN EXITO TOTAL

Number 04356 a gana e Chevrolet Silverado



MINISTER DOWERS TA ATACA HUEZNAN NA ARUBA FRONTAL!

Segun e Minister den Parlamento, e huez a comete hopi eror!

STA. CRUZ -- Den Parlamento Minister Dowers a expresa su malcontento pa e hecho cu un huez a duna e detenidonan razon, den un caso cu nan a entama contra Gobierno. Gobierno no kier a ehecuta e sentencia, y no kier a remedia e situacion. Ta trata aki di e keho di detenidonan cu awa ta yobe y drenta den e cel y e cantidad di persona den cada cel. Esaki a pone e tapa tapa di Minister Dowers bula, y e Minister ta haya cu e huez a tuma un decision fatal. Segun e Minister e huez a comete varios eror den su sentencia, y den esaki Procurador General a sostene. Ta pa promebiaha den historia cu un Minister di Husticia ta ataca un huez asina directo den



sala di Parlamento. Locual ta causa mas asombro ta e hecho cu ta net e hueznan aki, ta esnan cu ta tene man riba cabez di e gobierno aki di AVP constantemente. Y ta net e hueznan aki awor ta wordo ataca frontal pa e Minister encarga cu Husticia. E Minister a demostra claramente cu e no tin control riba su cartera y mester a recurir na tira culpa riba tur otro hende, menos su mes.



Proyecto di dump ta holerabotahe contra di e compania

STA. CRUZ -- Parlamentario mr. Evelyn Wever Croes ta trece padilanti cu nan ta contento cu Bouldin & Lawson a bin cu nan abogado sr. David Kock pa asina duna informacion na parlamento di nan banda di medaya. Fraccion di MEP a pidi un reunion publico pa asina discuti e teme di dump cu lo bay tuma lugar otro siman. Bouldin & Lawson a splica con e contracto cu Gobierno ta hinca basicamente den otro. E palabracion ta cu 50% di desperdicio normal di cas mester wordo reduci. Esey kier meen cu e desperdicio lo bin tur dia y luna unda cu ta solamente 50% di e desperdicio so lo wordo elimina y converti den algo pto pa asina e no bay den e landvelt. E otro 50% cu nan lo bay traha riba dje unda cu lo e bira un fluf cu lo wordo usa como gordura of tambe como fuel. E fuel lo wordo usa den un powerplant cu lo bay produci electricidad na un prijs mas abao. Segun Parlamentario Evelyn Wever Croes esey ta e proyecto fase uno y fase dos. Bouldin & Lawson a splica cu nan tambe a mira diferente problema cu tin y un di nan ta cu e Gobierno no a inverti den mantencion di e planta. Esaki ta un punto hopi importante cu a stroba pa e proyecto yega su meta. Tambe nan a ripara cu den e desperdicio cu ta drenta poco poco den aña 2010 tabata



mas metal y material cu ta peligroso cu no ta pertenece na sushi di cas. E proyecto ta destina pa sushi di cas unda cu e sistema ta traha pe, pero mas y mas e material nan peligroso tabata aumentando y esey tabata contra di tur palabracion debi cu esnan cu ta trece e sushi no tin mag di trece e metal debi cu e ta contra di ley. Tin un impresion cu un tipo di sabotaje ta tumando lugar pa asina purba di kibra e contract.

Belasting ta bende “Pelican Gift Shop” na vindishi

Nan ta yame “Grandioso Vindishi”

STA. CRUZ -- Nos di departamento di SERVICIO DI IMPUESTO (SIAD) kier a haci un invitacion na henter nos Comunidad di Aruba pa un Vindishi diasabra 16 di April 2011. E Vindishi aki lo tuma lugar na e edificio di SERVICIO DI IMPUESTO (SIAD) na Camacuri 2 pariba di ex-edificio di John F. Kennedy School na e Gebouw D cu ta keda net banda unda bo ta busca bo plachi di number di Auto. Horario lo ta for di 08:00 di mainta. Na e Vindishi aki ta bay tin articulononobo entre otro paña di baby, tambe pa bautismo, e sizenan di mucha ta di size 2 te cu size 16, cual ta diferente set di camisa, bermuda, jeans of carson largo, t-shirts pa mucha homber y set di bachi. Pa mucha muher tin set di blusa, saya, short, leggings y paña di ricibimento. Tambe

tin set di pijama pa mucha homber y mucha muher, bata y blusa pa damas, T-shirts pa cabayero y damas. Tin souvenirs, yabero, magneet pa pone riba frigidaire, cadena sterling silver den diferente style, bril di solo, disfras di carnaval, un toldo y mucho articulonon mas. Diasabra 16 di April 2011 8'or di mainta pa 10'or di mainta bo por bin wak e articulonon y registra pabo por forma parti di e **Vindishi Grandioso** aki y pa 10'or di mainta en punto e Vindishi ta cuminsa.

Nos di SERVICIO DI IMPUESTO kier pidi e comunidad di Aruba pa reserva e fecha diasabra 16 di April 2011 pa bo por tey na e bon compra aki cu nos ta bay tin. E prijs ta bay den forma di Opbod (Vindishi of Subasta).

AUMENTO DI AWA Y CORIENTE: OTRO PROMESA FALSO DI AVP

**MEP A WORDO CASTIGA PA SU SINCERIDAD,
MIENTRAS PUEBLO A KERE DEN AVP SU
PROMESANAN FALSO!!**



STA. CRUZ -- Nos tur ta corda con den campaña electoral na 2009, AVP a gaña nos pueblo cu promesanan cu nan no por cumpli. Mientras cu nos di MEP tabata hiba un campaña sincero. AVP a priminti den campaña cu nan lo baha e BBO, MEP a purba splica, cu sinceridad, cu Aruba no por sin e BBO. Kico a resulta? Cu nan a baha e BBO, cu pueblo NO a sinti e alivio, y cu nos pais ta hopi mas pover y den un situacion financiero precario! AVP a priminti cu lo caba cu "friends and family", awor ta resulta cu tin mas "friends and family" cu nunca antes den Gobierno, cu contrato, cu toelage. Simplemente tabata un "quitate tu pa ponerme yo". Cuanto hende a puntra nos den campaña si nos ta duna e garantia cu nos ta bay baha prijs di awa y coriente? Y nos contesta tabata sincero:

nos no por influencia e prijs, pero nos lo haci tur locual ta den nos alcanz'e pa baha e prijs. Pero hopi hende no kier a scucha esey y a prefera di bay cerca AVP. Pasobra AVP si a bisa nan flat cu nan si ta bay baha e prijs di awa y coriente. AVP a haci e promesa ey a sabiendas cu nan no por cumpli cu ne. Y awor e realidad amargo ta sali: AVP no por cumpli un biaha mas! NO solamente nan no a logra baha e prijs, pero e prijs a keda subi drasticamente tambe. Y nan no ta haciendo nada pa esaki. Mientras nos di MEP tabata campaña bisando cu nos no por influencia e prijs di crudo, pero nos lo baha gastonan di operacion di companianan di utilidad na Aruba, partido AVP tabata simplemente priminti cu nan si lo bay baha e prijs di awa y coriente. Pueblo a prefera di scucha mentira, en vez

di acepta sinceridad. Nos a wordo castiga pa nos sinceridad, y awor pueblo ta sufri bao di e mentira ey. Y ta pesey nos pueblo ta rabia awe, pasobra nan a cay den trampa di AVP, nan a vota pa AVP y awor mester guli e realidad amargo. Un Gobierno cu a regala Valero 200 milyon florin. Un Gobierno cu a rebaha BBO pa asina regala comerciantenan 80 milyon florin. Un Gobierno cu unico cos cu e ta haci ta regala compinchinan comerciante mas contrato, mas trabao, mas placa, sin pasa pa e proceduranan di Ley di Contabilidad. Pero ora ta toca na duna alivio na nos pueblo, e Gobierno aki ta simplemente bira su cara. E Gobierno aki ta e cambio cu pueblo supuestamente a anhela? Pueblo ta harta di e Gobierno capitalista aki, caminda riconan ta bira hopi mas rico y pobernan ta bira hopi mas pover.

Townhall meeting di Gobierno (AVP) na San Nicolas tabata turbulento y bashi

**Coordinadornan di De Meza ta tira culpa riba Eman!
Tin intencion pa De Meza lanta su mes partido**

STA. CRUZ -- Cuatro minister a asisti na un encuentro cu habitantenan di San Nicolas den fin di siman den un asina yama 'townhall meeting'. Tabata un anochi cu no a bay facil pa e ministronan. Den e sala por a scucha e rumoreamento cu nan no ta contento cu Mike Eman ni De Meza.

Tabata tin basta reclamo y critica. Mike de Meza na un manera inteligentemente a manda su coordinadornan pa tira culpa riba Mike Eman. Su coordinadornan di cual cu nos tin nomber y fam a bisa varios di e habitantenan cu Eman tin man di De Meza mara. De Meza kier haci hopi y kier trece desaroyo, pero Eman no ta permiti y ta opone. Den seno di varios amigo di Mike De Meza, a cumenza plama e mensahe rond den pueblo cu Mike de Meza mester bini cu su propio partido. Esaki ta e unico salida viable cu lo bay conveni

pueblo di San Nicolas. Den AVP de Meza no por haci tur loke e kier pa San Nicolas. Nos a comprende cu entre e ministernan mes, nan no ta bon cu otro y ta un pleito tras di otro. E pueblo di San Nicolas tambe a reclama ariba prijs di awa y coriente y a puntra Eman directamente si esaki te cambio cu el a pasa campaña cune na 2009? Eman a keda bira, bira corra y mester a inventa algun smoesjes pa tranquiliza e reclamonan contra su Gobierno. Esaki ta e prome 'townhall meeting' cu tabata basta turbulento y pa colmo tabata bashi tambe. Gobierno a cumenza haya signal cu tur loke nan a priminti tabata un promesa falso. Un habitante a lanta para y bisa Eman: "No elimina BBO y kere cu bo ta introduci e mes BBO cu otro nomber! Esey ta yama reemplaza BBO pa otro nomber. Nos no ta kens!"

Despues di hopi tempo di 'honey-moon' Magali Brito a perde confianza den Mike Eman Porfin SEPPA a lanta for di soño

STA. CRUZ -- Den un programa radial na Hit 94 di Karel Arends, sra. Magali Brito di SEPPA a declara cu el'a perde confianza den Mike Eman. E lider sindical a bisa cu e confianza ta menos. Si tuma nota di loke a priminti y loke ta pasando den e dianan aki, su persona no tin confianza mas den Mike Eman of entodo caso no manera prome. E lider sindical a bisa cu nan a entrega hopi y awor ta ora pa bolbe papia di indexering. Magali Brito den e ultimo añanan a sostene partido AVP grandemente

contra Gobierno di MEP. Sinembargo, segun Brito, no ta asina y esey ta solamente percepcion di hende. Brito a bisa cu den pasado tambe el'a wordo critica door di AVP, tempo cu el'a manifesta hunto cu MEP contra nan Gobierno. Sinembargo informacion cu Solo ta dispone di dje ta bisa cu miembronan di SEPPA a cumenza presiona nan sindicato pa lanta for di soño. No ta un percepcion pero un realidad cu SEPPA ta un Avp-tolerante, PERO te cu e siman aki a muestra un cambio ora a cumenza frena e partido.

MR. EVELYN WEVER-CROES

SITUACION HOPI INSIGUR NA ARUBA!

STA. CRUZ -- Diabierna dia 1 di April ultimo, Minister Dowers a wordo yama den Parlamento pa duna cuenta tocante e situacion problematico den KIA. Minister Dowers a bin acompaña pa varios hefe di departamento y conseheronan. Na prome lugar sra. Kock, Inspector di Polis, a duna un presentacion di e situacion di criminalidad na Aruba. Sra. Kock a comparti informacion reciente cu ta muestra cu mas y mas hoben y te hasta muchanan ta esnan cu ta organiza y participa na atracnan. E edad di nos criminalnan ta birando cada dia mas abao, y esey ta un tendencia sumamente preocupante. Tambe a constata cu mucha muhernan mas y mas ta participa na actonan criminal. Ta importante pa tur mayor tene mas cuenta cu esaki. Mirando cu e situacion financiero di Aruba ta asina precario y mirando e gastonan halto di awa, coriente y producto na Aruba, mas y mas hende ta haya nan forza ta comete actonan criminal pa por sobrebibi. Y aki

na Aruba no ta diferente. Pesey mes mirando especialmente e ultimo aumento drastico di costo di awa y coriente, nos mester ta mas vigilante, y protege nos yiunan y nos propiedadnan mihor. Pa loke ta trata e situacion den KIA, e Parlamentario a puntra e Minister explicitamente pa splica kico concretamente ta wordo haci pa garantiza e seguridad di tanto e empleadonan como e presonan den KIA. Esaki despues cu Fraccion di MEP den Parlamento a ricibi diferente carta di tanto empleadonan como familiarnan di presonan, expresando nan preocupacion. "Nos tur sa cu e situacion ta sumamente tenso den KIA, y cu ta teme pa bida di empleadonan y di e presonan."

E Minister tabata cortico den su contesta cu awor ta pensando con pa bay haci esaki. Segun e Minister e problema no ta asina serio y ya a tuma algun medida caba. E contesta di e Minister a lagami mucho mas preocupa cu mi tabata prome cu e reunion,



pasobra e Minister lamentablemente no por a splica kico ta haci concretamente pa evita cu cosnan ta sali mas for di man. Un sugerencia ta pa pone mas agente di seguridad den KIA, pa garantiza e seguridad di e empleadonan, y pa evita cu e tension entre e diferente grupo di presonan sali for di man. Mayoria di Parlamentario a expresa nan preocupacion pa cu esaki, y nos ta spera cu berdaderamente e Minister haci algo liher", e Parlamentario a termina.

Clarisca a lastra empleadonan di Kia pa 'appel putri' y pa 'floho'

Magali Brito a para Clarisca fuertemente Clarisca diripiente a keda keto!

STA. CRUZ -- Recientemente un parlamentario di AVP, Clarisca Velasquez a haya ta bon pa lastra empleadonan di Kia pa 'appel putri' y pa 'floho'. Esaki el'a haci'e den cuadro cu e presonan a tuma over e prison unda su minister a faya barbaramente. Clarisca kier sconde e fayto di Dowers riba lomba di empleadonan. Magali Brito no a permiti e calumnia aki y a bay den prensal Solo di Pueblo a comprende cu Magali a frena Clarisca na un tono basta fuerte. Magali a bisa cu no por culpa empleadonan di Kia, mientras te minister ta esun politicamente



responsabel kende ta hiba e maneho. Ta e maneho a faya y ta fayando y bao ningun circunstancia Brito lo permiti Velasquez pa abusa di e empleadonan. Mesora Clarisca a 'give up' y a core pidi despena y splica ta kico e kier meen. Cos ta cayente den e dianan aki y pueblo mester ta riba alerta.

DOPV a keda sin gasolin

STA. CRUZ -- DOPV ayera ya a cuminsa sinti su promer efectonan di Gabinete Eman 1. Subimento di prijs di gasolin a dal nan duro. Na altura di Holiday Inn ayera durante un control, e auto di DOPV a keda staciona dilanti hotel pa motibo cu gobierno no tin placa pa gasoline. No tin placa pa BON di gasolin

y no tabata tin hende disponibel pa take care di e asunto y resultado ta cu e auto a keda staciona dilanti hotel.

Empleadonan di DOPV mester a continua nan trabao na pia. Asina aki e minister concerni kier trata DOPV y e kier hinca 12 di su campañadornan den DOPV.

MESTER DI PLACA? EMPEÑA Y CUMpra ORO



PRIJS MAS HALTO NA ARUBA



GASTONAN MAS ABOU

TIN UN SO CU TA PAGABO MIHOR, PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



SEGUN MEP:

MINISTER DOWERS DEN PARLAMENTO A DEMOSTRA CU E NO TIN CONTROL RIBA KIA

STA. CRUZ -- Diabierna dia prome di april Parlamento a manda yama un reunion di urgencia pa trata e caos den KIA. E reunion a wordo yama pa Clarisca Velasques y Melvin Tromp, pasobra segun nan tin un Parlamentario – refiriendo aki na sr.

Andin Bikker – cu a exige pa Minister Dowers baha. Minister Dowers a aparece cu no menos cu 13 hende, tur coordinador, consehero of fotografo. Durante 3 ora largo tur a trece nan puntonan di bista dilanti relaciona cu criminalidad en general, y e problema cu un preso

ta ocasionando den KIA. Tabata obvio cu e Minister no tin control riba e problemanan na KIA, y ni tin conocimiento di tur e problemanan. Mas aleu, e no tin ni un plan concreto con pa atende cu e problema. Tampoco e tin un plan concreto kico pa haci, pa haci nos

pais mas sigur. Ta parce manera cu en realidad den e aña y mey cu el'a goberna, e no a logra net nada, y ainda tin di bay waak kico pa haci. Ta varios Parlamentario pesey a expresa, cu si nan tabata preocupa prome cu e reunion, despues di e reunion nan

ta mas preocupa ainda, pasobra e Minister no por a duna ningun indicacion concreto di kico e ta bay haci. Unico cos cu e Minister a bin haci ta pa purba convence su coleganan di partido no entrega un mocion di desconfianza contra dje, y pa politiconan stop di pidi pa e baha.

Pero locual tabata obvio ta cu den e partido AVP y miembronan di prensa liga na AVP, tin bastante hende cu ya no kier Dowers mas como Minister. Su propio coleganan ta critik'e, nan ta atak'e y esey probablemente tabata e motibo di e reunion. Remarcable tambe ta cu Presidente di Parlamento a yama e reunion aki den apenas dos dia, sin cu e reunion tin un caracter di urgencia. Cuanto otro reunionnan urgente no ta tumando lugar? Mas urgente tabata pa trata e aumento di awa y coriente, pero pa motibonan di politica interno di AVP e reunion aki mester a bin asina liher, pa tapa boca di parlamentarionan di AVP cu kier critica e Minister, pa tapa boca di cierto miembronan di prensa cu ta ataca Minister Dowers, y pa tapa boca di Andin Bikker. En todo caso, e boca di MEP e Minister lo no tapa hamas, ora cu nos mester denuncia inhusticia. Ta tristo con un Presidente di Parlamento ta fia su mes pa weganan asina. E problema ta cu mientras AVP y nan miembronan di prensa liga ta bringa Dowers, ningun hende ta pone atencion na husticia na Aruba y Aruba ta bira cada dia mas insegur, asesinato, atraco, y gobierno ta sigui zoya zoya.



Cumpra

Construi

Consolida

Prestamo di Hipoteca:

Bo Cas y Spar

“Bo Cas y Spar” ta un prestamo di Hipoteca combina cu un Cuenta di Spar y ta ofrece interes hopi atractivo. Durante e periodo di Hipoteca bo ta paga y spar alavez. Cu bo Cuenta di Spar bo ta realiza otro metanan den futuro. Ademas bo ta cuminsa paga despues di 6 luna.

Esaki ta bo oportunidad unico pa cumpra, construi, consolida of refinancia bo cas. Pa mas informacion tocante “Bo Cas y Spar” bo por tuma contacto cu nos Call Center na 527 7700.

Suma di prestamo	150000	200000	250000	300000
Suma di spar pa luna na florin	24	31	39	48
Aña				
5	1544	1995	2509	3088
10	3313	4279	5383	6625
15	5338	6895	8674	10676
20	7658	9891	12444	15315
25	10314	13323	16761	20629
30	13357	17253	21705	26714

E campaña aki ta valido te dia 30 di Juni, 2011.
Interes efectivo riba cuenta di spar ta 2.75%

Arubabank
understands

www.arubabank.com

**Faltando algun dia
pa campamento**

**‘Gobierno
tumba
rancho’ a
core cu
pueblo for
di lama**

**Campistanan
mester a torno nan
rancho ayera**

STA. CRUZ -- Ayera
varios famia tabata
den dolor ora cu
obligatoriamente
Gobierno y Minister
Sevinger a forsa pueblo
pa torno nan rancho.

Asina nos a tuma nota
con varios famia pa
ultimo biaha a sinta
den nan rancho y goza
di e ambiente familiar.
Benny ‘tumba rancho’
a masacra e famianan
Arubano cu e decision
aki.

Net awor cu nan mes a
aumenta prijs di awa y
coriente, nan ta forza
e famianan benta nan
rancho abao. Pa colmo
esaki no ta conta pa tur
hende.

Varios hende yega
na e minister a haya
autorizacion special pa
laga nan rancho. Ariba e
carta adhunto por mira e
carta di Gobierno.

NOTARIAAT TJON AJONG

VEILING - DUTCH AUCTION

Auction Date: Thursday, April 7, 2011

Time: 15.30 hours (3.30 pm)

Place: Conference Room of the Chamber of Commerce of Aruba

Address: Irausquin Boulevard 10 (opposite Arfa Building)

Auction Notary: Faride Tjon Ajong

DWELLING-HOUSE: ROOI KOCHI 62-E

standing on leasehold till September 24, 2052 on a parcel of public land, 650 m2 in size, situated at Mabon in Aruba, recorded in the land register as 4th Division Section E nr 1612;

Guide/recommended price: Afl 155.000,00

DWELLING-HOUSE: ESSO HEIGHTS D-6

standing on leasehold till May 28, 2050 on a parcel of public land, 419 m2 in size, situated at Eppo Heights in the 4rd District of Aruba, recorded in the land register as cadastral certificate of admeasurement nr 49 of October 24, 1989;

Guide/recommended price: Afl. 105.000,00

Written bids:

The term to submit bid-forms has expired on Wednesday, March 23, 2011

Auction may be postponed or stopped by Seller at any time. General Auction Conditions (AVVE) (*downloaded from website*) and Special auction conditions (*to be requested at Notariaat Tjon Ajong*) are applicable.

www.notaris.aw

NOTARIAAT TJON AJONG

Phone: (297) 588 34 88 • Fax: (297) 588 34 44

E-mail: bweijers@notaris.aw • info@notaris.aw

★ **Nos tin e regalo
pa tur ocasion...
cu facilidad di pago!**

★ **Dialuna pa Diasabra
9:00 am. - 1:00 pm.
2:00 pm. - 6:00 pm.**

Wilhelminastraat 19, Layex Building, Suite L. Tel: 588 7671

LA ESTRELLA
Joyeria

Pa tur ocasion joya di calidad na un prijs razonabel!

**Oro, Plata, Holoshinan,
Piedranan Precioso.**


25% Off

0.00
Downpayment

**Paga
Poco-Poco**

Gerencia Aruba Ports Authority NV: NA TUR DOÑO DI RANCHO

Entrante 4 di Mei mayoria di rancho na Barcadera lo ser basha abao



STA. CRUZ -- Relaciona cu e peticion di varios doño di rancho pa pasa un ultimo temporada di Biernes Santo na e ranchonan, gerencia di Aruba Ports Authority (APA),

TA HONRA E PETICIONNAN DI DOÑONAN DI RANCHO NA

Barcadera pa pasa e dianan di fiesta menciona. Alavez APA kier informa tur doño di rancho cu dentro di poco lo cuminsa cu trabao di construccion pa e ceramento di e way ate

na lama. E doonan di rancho tin te cu dia 4 di Mei 2011 pa muda nan rancho y/of desmantela nan ranchonan completo for di tereno di APA.

Por ultimo gerencia kier a gradici tur doño di rancho pa nan comprension y cooperacion pa asina APA por garantiza seguridad di waf na Barcadera y cumplimiento cu rekisito internacional. Pa cualkier pregunta yama of tuma contacto cu APA su departamento di seguridad di dialuna pa diabierna na telefoon 582-6633 ext. 150 of 594-5799.

McDonald's NOW \$6.99 (Before \$7.50) INCLUDES MEDIUM FRIES & MEDIUM DRINK

SATURDAY | BACON TRIPLE

TODAY'S McCOMBO® | SUNDAY TO SATURDAY

SUNDAY CHICKEN SELECTS® 3 PIECES	MONDAY McNUGGETS® 10 PIECES	TUESDAY BIG MAC®
WEDNESDAY McCHICKEN®	THURSDAY QUARTER POUNDER® WITH CHEESE	FRIDAY CHICKEN MAC®

Keto bay chauffeur nan ta hinca nan yiu den peligro



STA. CRUZ -- Reportero di Solo di Pueblo a nota diadomingo mainta un auto corriendo unda un mucha chikito tabata colga mitar pafor di bentana. Nos kier haci un suplica na tur chauffeur cu ta laga nan yiu colga pafor asina, pa por fabor no haci esey

mas. Bo por ta e mihor driver den mundo, pero ta un descuido of otro auto pasa ranca, anto bo lo lamenta pa resto di bo bida.

Pa protege e privacidad di e mucha, nos a tapa e cara di e mucha envolvi y e number di auto.

Ladron a drenta cas y bay cu tas

STA. CRUZ -- E señora L.M.T. naci na Aruba di 51 aña a yama warda di polis y a bisa cu diabierna pa 20:35, desconoci a drenta su cas y a bay cu su tas y cartera. L.M.T. a bisa cu pa 20:30 el'a bay pa yuda su tanta baña y a laga su tas cu cartera riba mesa den comedor. El'a bisa cu el'a laga e porta cera, pero no na yabi. El'a bisa cu el'a sinti e porta di cushina habri y a mira un homber core bay. El'a mira mesora cu e tas a desaparece. El'a bay duna keho y a traha un lista di locual cu tin den e tas.

Publico a acudi na masa grandi

FIESTA ROTARIA 2011 A RESULTA UN EXITO TOTAL**Number 04356 a gana e Chevrolet Silverado**

STA. CRUZ -- Tabata un Fiesta Rotaria na un sitio nobo, pasobra a muda for di Surfside pa Cas di Cultura, debi na trabaonan di construccion tumando lugar eynan. Un publico mas grandi cu normal a acudi e aña aki, for di tempran caba buscando productonan na prijs special pa cumpra. Di e forma aki comunidad ta duna su aporte na Rotary Club. E evento a cuminsa for di 9'or di mainta y a

caba te den oranan di atardi, cu un programa completamente varia y atractivo pa tur hende presente, manera e tradicional musica di Caha di Orgel, baile di Club di Movimiento, e hobennan talentoso di Pierewietje y Flash bao guia di Martha Figaroa y sin lubida Grupo nos Fototi. Merdia mas cu claro tabatin un variedad amplio di delicioso plato di cuminda pa brinda tur hende presente y na un

bon prijs. Pa clausura e parti di entretenimento, Dushi Band a pone tur hende riba pia te den e oranan di atardi laat. Atardi a saca ganadonan di e rifa cu a saca special pa e evento aki, como un formamasp Rotary Club por yega na fondonan pa por sigui yuda otro instancianan caritativo. Den esaki mester menciona cu e premio principal tabata un pick up Chevrolet Silverado cu a bay pa number 04356.



Otro premionan: Di dos premio: 05626, di tres premio: 00182, di cuatro premio: 03468, di cinco premio: 00586, di seis premio: 02393, di siete premio: 04423, di ocho premio: 00468, di nueve premio: 03894 y di diez premio: 07009. Locual a hala masha atencion sin duda tabata e cantidad di personahenan conoci den comunidad cu tur aña atrobe ta pone nan mes disponibel pa sinta den e dunk tank pa duna publico chens pa tira un bala pa laga nan cay den awa. Por a nota rij di hende cu tabata dispuesto pa sea mira un persona conoci cay den e piscina of pa paga pa participa den e wega. Separa di esaki tabatin un sin fin di otro weganan mas den cual e participantenan por a gana premionan masha interesante mes. Fiesta Rotaria ta un evento cu ta tuma lugar pa mas di 25 aña caba y cu tur aña ta sigui crece den publico cu ta

sostene e organizacion. E organizacion internacional estableci pa hopi aña caba na Aruba ta gradici tur nan sponsornan y comerciantenan cu a pone nan productonan disponibel pa e por bende durante Fiesta Rotaria y sin lubida e pueblo di Aruba...un gradicimento inmenso pa e sosten y participacion pa haci Fiesta Rotaria un otro exito rotundo. Masha Dankil




Flowers & Art

*Pa tur bo arreglonan pa
Santa Comunion pasa serca nos
atwe mes!*

Santa Cruz 32-B

T: 585-8128

F: 585-1228

E: elsaflowershop@setarnet.aw

www.facebook.com/elsaflowershop



Interes ta masha grandi mes!
**INSCRIBI NA TEMPO PA E "7th ARUBA
 YOUTH NATIONAL RANKING TENNIS
 TOURNAMENT"**

STA. CRUZ -- E dianan ta acercando y Aruba Bank hunto cu Eagle International Tennis Club ta cla pa ta anfitrión di un otro tremendo torneo di tennis pa nos hubentud valido pa National Ranking.

Esaki ta pa di siete aña consecutivo cu Aruba Bank ta patrocina e Youth National Ranking Tennis Tournament.

Inscripcion a habri caba y tur hoben por inscribi pa asina nan tambe ricibi nan T-shirt pa e torneo venidero. E dianan di competencia lo bay ta riba 8, 9 y 10 di April, 2011 riba e canchonan di Eagle International Tennis Club.

E inscripcion ta bayendo hopi bon mes y e interes ta grandi, ya cu esaki ta e di prome torneo di ranking di Aruba den 2011. Aruba Bank Youth National Ranking Tennis Tournament ta dividi



entre dos categoria. Un Torneo pa e hoben tenistanan cu tin edad di 10-12-14-18 aña y un Mini Torneo pa e muchanan di 4 pa 8 aña. E Mini Torneo lo tuma lugar dia 16 di April. Inscripcion ta habri desde awe caba y tur participante lo ricibi un T-shirt.

Gerente di Eagle International Tennis Club kier a gradici Aruba Bank N.V. pa nan aporte y cooperacion pa cu e deporte di Tennis specialmente

dedica na nos hubentud. Organizadornan ta haci un yamada na tur tenistanan hoben interesa pa participa ya cu e torneo aki ta valido pa National Ranking, pa inscribi promer cu diamars 5 di april, 2011 na Eagle International Tennis Club.

Pueblo di Aruba ta bon bini pa bin apoya nos hobennan durante e "7th Aruba Bank Youth National Ranking Tennis Tournament".

**Quota International di
 Aruba hunto cu
 De Trupialen**
 A hiba un serenata pa nos Grandinan

STA. CRUZ -- Luna di Maart internacionalmente ta Quota's Care month. Diadomingo dia 27 di Maart 2011 Quota hunto cu "de Trupialen a bay di paranda hibando un serenata pa nos grandinan. Mainta tempran a cuminsa na Centro pa nos Grandinan na San Nicolas despues a sigui pa Maristella y pa 12'or di merdia a yega Paviljoen San Pedro di Verona pa termina

2.00 pm na St. Michael Paviljoen. Nos grandinan a goza masha hopi mes y tambe a keda contento cu e regalo cu Quota a hiba pa cada un di nan. Trupialen a presenta un repertorio cu hopi di nos grandinan por a canta hunto cu nan y tambe un paar di nos grandinan a lanta baila cu nos miembronan di Quota. Adhunto un paar di potret cu ta muestra con ambiente tabata ta.



hunto cu



ta organisa un tremendo EASTER CAMP cu actividadnan manera speurtocht den Parke Arikok, Egg Hunt, un anochi di camping, Fietstocht na Arashi, Hiking Trail, obra di man y hopi mas!

Dianan: 26, 27, 28 y 29 di April

Ora: 8:00am-5:00pm

Prijs: Afl.125,- pa muchanan entre 4 y 12 aña

(Inscripcion despues di dia 20 april ta Awg.140,-)

Jama libremente y inscribi bo yiunan awe mes!

Parke Arawa • Moko 46-A • Tel: 586-7034 of 588-1438

Fax: 586-1411 • E-mail: parkearawa@live.com



Conocido di polis a huy for di Centro Dakota

y a wordo haya na Zeewijk

STA. CRUZ -- Diasabra den oranan di atardi Centro Dakota a haya falta di un cliente cual ta C. De la Cruz kende a huy for di e centro y aki. Mesora a notifica polis di e esaki. A cuminza

buskeda rond te hasta den vecindario di unda cu e conocido aki di polis ta biba na Zeewijk.

Un patruya di San Nicolas cu a dal un vuelta bandi su cas y a topa cune na

pia y aki a para y a hinke den auto pa bay direccion Centro Dakota bek. Bon trabao di cuerpo policial cu den menos di 30 minuut a logra captura e cliente aki.



Montero a bolter na Catiri



STA. CRUZ -- Diasabra den oranan di merdia a drenta informe di un accidente na Catiri caminda un auto a bolter y tin persona herida aki di biaha a despacha tanto polis y ambulance na e sitio. Na yegada di e patruya ta bin topa cu un Mitsubishi Monter V-4666. Aki e chauffeur a declara biniendo di panord mester a perde control na stuur baha caminda debi na e buraconan grandi cu tin entre e acera y caminda y tambe santo den e bocht a pone e chauffeur perde control y bolter.

E chauffeur masculino a ricibi algun sla na su nek y herida na su man cual ambulance a hibe hospital.



Mientras Gabinete Mike Eman ta fiesta PUEBLO TA SUFRI Y YORA

STA. CRUZ -- Durante ultimo dianan pueblo ta yora y sufre cu nan no por haci nada mas pa sobrevivi e situacion financiero cu nan ta pasando aden cu medidanan cu Gobierno a pone riba nan cu ta dificil pa nan por sigui lucha pa mantene nan mes. Empleadonan publico ta masha preocupa cu e desaroyonan cu ta tumando lugar aki na Aruba pa loke ta nan posicion y cu e pais Aruba. Un situacion cu nunca bisto aki na Aruba, unda un grupo grandi di gobierno pa haya loke nan kier y e pueblo ta ser suta cu tur clase di medida. Empleadonan publico na Polis, KIA, Bombero, aeropuerto, Douane, Inmigracion, Guarda Nos Costa, Warda Costa y asina por sigui menciona un cantidad di departamento di gobierno cu nan promocion ta warda. Prijs di gasoline ta halto y lo sigui aumento, cortiente y awa lo bira impagable, prijs di producto domestico a subi y lo sigui subi. Tur producto den supermercado a subi y a bira asina caro cu consumidor ta paga hopi y haya poco. Tur esaki ta trece pobreza riba e pida baranca aki y por a nota esaki recientemente unda un fundacion a duna di conoce cu tin 1200 cas di famia cu ta den situacion dificil cu nan no por paga awa, coriente y no tin pa come, aki ta papia di 1200 cas di famia na 4 persona den cas cu ta suma 4800 persona. Recientemente Elman a corta coriente na miles di cas. Practicamente tur dia WEB tambe ta corta awa. Cas na findishi, auto confisca pasobra nan no tin placa pa paga; varios comerciante a bay bancarota. Otronan a sera negoshi y por mira cuanto negoshi cu "Sale" baratiyo pa asina nan por sobrevivi. Banco- y institutonan cu ta fia placa ta pasa trabao pa cobra, varios cas na vindishi; "mira lista den corant. Un situacion tristo pero real cu e pais aki ta pasando aki. Cuanto hende a perde trabao y cuanto mas lo tin cu bay cas. Gobierno

ta sigui habri porta pa mas hende bin traha aki na Aruba mientras cu esnan aki mes no tin trabao Tin hopi famia cu no tin pan riba mesa, muchanan ta bay school sin come y ta na school. Nan ta haya un pan y ora na nan regresa cas, nan no por spera cuminda pasobra no tin. Masha hopi mucha no tin mas cu un/dos uniforme, casi tur dia mayornan tin cu laba e criatura su uniform pa e bay school e dia siguiente; muchanan no tin keds bon, sino kibra.

Mientras cu pueblo ta yora, gobierno ta sigui cu fiesta, ministranan, consehero, management team, ta gana sumanan grandi di placa cu tur beneficio, e.o. salario barbaro, representatiekosten pa gasoline, telefoon y te hasta placa pa compra paña tur luna, cu ta varia di 250,500 florin pa luna, come na restaurant y hasta auto riba cuenta di gobierno. Ta tristo y dolor cu pueblo ta yora; muchanan no tin pan riba mesa mientras cu gobierno su ministranan ta gasta y come riba cuenta di pueblo. Gabinete Eman ta regla Valero miyones y miyones, amigonan di Gabinete ta haya salario barbaro di miles y miles di florin pa luna y tin ta haya miyones pa aña. Sindicatonan cu ta representante di empleadonan publico no ta enfrente gobierno riba e situacion cu tin aki na Aruba. Problemanan pa nan miembronan, no tin placa pa uniform y gobierno ta pidi pa baha gasto, mientras cu gobierno ta gasta miyones na viahe, come y keiro riba cuenta di pueblo y regala multinacional miyones di florin, celebracion di 18 di Maart a gasta mas di un miyon florin sin cu esaki ta riba presupuesto. Mas ainda cu gobierno no a presenta su presupuesto di 2011 na parlamento di Aruba. Mientras cu ambtenaar y pueblo ta yora, Gabinete Mike Eman y su amigonan ta fiesta y goza.

MR. EVELYN WEVER-CROES DI MEP:
AUMENTO DI PRIJS DI AWA Y
CORIENTE TA CREA PROBLEMA
SERIO, BAN TA MAS CONSCIENTE!
 Aumento di entre 50 pa 100 florin fin di e luna aki!

STA. CRUZ -- Siman pasa WEB y ELMAR a anucia e aumento di prijs di awa y coriente. Esaki ta crea problemanan hopi serio den cada hogar y ta importante pa pueblo ta consciente di esaki. Segun calculacionnan, e aumento lo afecta cada famia cu un promedio di 50 pa 100 florin pa luna. Ta bon pa cada famia cuminsa tene cuenta cu e gasto adicional aki pa ora fin di luna yega, e no dal demasiado duro. Tambe ta bon pa den cada cas tuma mas medida pa baha e gastonan di coriente. Especialmente muchanan, cu no ta consciente tur ora di e gastonan. No laga



luz cendi sin mester, no laga airco cendi sin mester, no laga television cendi sin mester y saca aparatonan for di plug, si bo no ta usa nan. Check

e kranchinan di awa pa nan ta bon cera, pa awa no keda core sin tin mester. Si nos cada un cuminsa cu e medidanan aki di precaucion, nos ta yudando nos mes pa e sla bin menos duro. E desaroyonan internacional lo sigui afecta nos costonan di awa y coriente directamente, y tanten cu gobierno no kier tuma medidanan pa suavisa e efecto aki, ta nos mester keda charge. Pesey ta importante pa cada un dia nos ta mas consciente con nos ta usa coriente y awa y pa nos ta mas consciente pa no malgasta coriente y awa.

MIKE A ORDENA DTZ PA
DUNE TAPE DI TOP 95 FM DI
DIABIERNA 1 APRIL 2011

SEGUN INFORME PA ESAKI TA PA CERA TOP FM OF PA HACI AANGIFTE CONTRA NEL PA OPRUIJING

STA. CRUZ -- Mike ta masha disgusta cu e ta wordo pinta como ganador ariba su dia 1 April 2011. Segun informe cu nos di Solo a haya ta cu e cantica di e Bom a ocasiona hopi dolor pa Mike. Mike lo ta pensa cu e mihor manera cu el a kier silencia oposicion ta pa cuminsa cera e radio di mas grandi

di Aruba. Esaki ta masha straño mes, pasobra nos tur ta corda con canal 90 tabata hasta manipula un entrevista cu Nel usando su stem y nunca gobierno di MEP a tuma accion. Nos no por imagina nos mes cu e tape a wordo busca pa bay persigui Nelson Oduber, pasobra esey lo caba di pone e bom explota.

Noticia di Colombia di Chaldira Vis:

Chaldira ta fuera di peligro
 Despues di un siman di e tragedia caminda nos Chaldira stima tabata envolvi

Primeramente nos kier a desea ambos persona envolvi den e tragedia aki y demas famia, amigo- y conocirnan hopi forza den e momentonan dificil aki. Nos kier a gradici sr. Dios nos creador, cu a duna dr. Peterson y su staff medico y demas personal di HOH, e forza y sabiduria pa por a haci un tremendo trabao y scapa Chaldira su bida. Danki na dr. Croes di Intensive Care Unit (ICU), cu mirando e gravedad di e caso. Ningun momento a vacila y a tuma e pasonan corecto pa asina Chaldira por a wordo transporta e mesun dia pa Bogota, Colombia. Diadomingo pa mas o menos 16:00'or Chaldira, acompaña pa su mama, a wordo transporta den un estado critico y di hopi gravedad cu air ambulance pa Colombia. Na yegada Chaldira a wordo transporta pa un clinica specializa den casonan asina y interna den ICU. Primeramente a teme pa su bida pero mirando cu Chaldira semper ta un fighter, a bringa back y no a entrega. Diamars un omo di Chaldira a yega Bogota pa duna sosten na Chaldira y su mama. Diarazon dokternan a duna e famia e bon noticia cu Chaldira ta stabil y fuera di peligro di morto. Naturalmente, mirando e impactonan di bala cu Chaldira a ricibi, su recuperacion lo tuma su tempo. Diahuebs atardi dokternan a realiza un operacion na Chaldira su cachete cu a ricibi impacto di bala. E operacion a termina exitoso. Awor Chaldira ta den



e proceso di recuperacion. Tin entendi cu na Aruba tin varios storia y rumornan falso ta core rond. Tambe tin cierto medionan di prensa cu ta trece informenan dilanti cu ta carece di tur berdad. No ta e momento propicio pa busca culpabelnan of di punta dede. A sosode un tragedia cu ta afectando nos Chaldira queri y su famianan. E situacion ta hopi doloroso y dificil y nos ta urgi pa nos tur uni den oracion pa Chaldira por recobra su salud. Un suplica: ban respeta Chaldira su privacidad! Nos kier a gradici tur esnan, cu den un forma of otro a acompaña y a sostene nos durante e tragedia aki. Na famianan, amigonan y conocirnan danki pa e sosten. Na Chaldira su coleganan di SIAD y di hulpbestuurskantoor Savaneta, danki pa boso apoyo. Na tur e gruponan di oracion danki di curazon. Aruba henter danki y sigui haci oracion pa nos Chaldira queri.



University of Aruba
Studying at the UA, the perfect Choice!

Saturday 9 April 2011

9:00 am - 1:00 pm

J.E. Irausquinplein 4
 Oranjestad, Aruba



Your Choices:

- Law
- Accounting & Finance
- Marketing
- Hospitality, Tourism Management & International Business
- Social Work & Development
- Organization, Governance & Management

P: (297)5889946 ext 255, 256, 257 | E: osa@ua.aw

www.ua.aw

Michelle tin economia ta na werki y tiendanan cerando nan porta **Servicio di Impuesto ta organiza pa prome biaha 'grandioso vindishi'**

Pelikaan Gift Store lo wordo completamente bendi na oficina di belasting

STA. CRUZ -- Dia pa dia nos economia ta lorando di malo pa pior. Ta obvio cu tiendanan comercial nunca por afford e gastonan halto di operacion.

Placa no ta yega pa paga coriente ni awa. Corda pa paga belasting di salario, AZV, SVb. E gastonan

social ta masha dificil pa nos comerciantenan. Awor pa colmo prijs ta subi cu 25% y gasolin tambe ta subi.

Tur hende ta puntra: Con por ta posibel cu AVP a bisa cu e tin solucion y awor tur cos ta birando pior? Pa colmo belastingkantor awor ta bira un tienda y ta yama

tur hende pa bin cumpra. E number a bira "Grandioso Vindishi"! Servicio di belasting ta organiza pa prome biaha 'grandioso vindishi' dia 16 di April pa 9'or di mainta. Tin gran surtido di paña, shirts, souvenirs etc.etc. Wel wel... I Awe ta Pelikaan Giftstore, mañan ta ken ????

Ladroncia y maltrato riba hoben di school

STA. CRUZ -- Polisnan di Oranjestad a bay diabierna merdia 13:30, tras di Colegio Arubano, unda un hoben a wordo maltrata y horta. Na yegada polis a papia cu e mucha homber M.L. naci na Aruba di 15 aña, kende a bisanan cu e ta bayendo cas y e mucha

homber R.F. a bin cerca dje y a bis'e pa dune su petchi, pero el'a nenga.

E ora ey R.F. a dale un mokete den su cara. L. a cay y e ora un otro mucha homber desconoci cu tabata hunto cu R.F. a bin riba dje y a dal'e cu scop den su bariga. Nan a

kita su petchi y tambe su blackberry. Polis a busca den vecindario, pero no a topa cu R.F. y su amigo. Polis a bis'e M.L. pa e bay dokter y despues duna keho na Recherche. Testigonan cu conoce e dos mucha hombernan a duna nan descripcion pa investigacion.

Baha Peso sin problema cu technica mental

Fundacion Desaroyo Integral, ta organisa:

Workshop TECNICA MENTAL PA BAHAMA PESO

- * Bo a purba tur tipo di dieta y bo no a logra baha peso?
- * Bo ta cuminsa yen animo cu bo plan di dieta y ehercicio pa despues lag'e un banda?
- * Bo ta sinti bo frustra pasobra bo no tin e boluntad suficiente pa mantene bo plan?
- * Bo ta logra baha peso, pero despues bo ta subi bek?

Nos lo practica hunto tecnicanan psicologico pa juda bo baha peso. Bo lo siña uza bo capacidad mental pa libera e peso aki di bo bida!

Fecha: Diasabra 9 di April 2011

Ora: 9:00 am – 1:00 pm

**Lugar: Club Don Bosco
(Na Noord)**

Prijs: 75.00 Awg

Instructor: Dr. Robert Leal



Cupo ta limita! Cumpra ticket na Plaza Bookshop, Van Dorp Bookstore-Avenida Milo Croes, Aruba Post-(De Witt bookstore)-San Nicolas. Pa mas informacion por tuma contacto cu Amy Lasten Cel: 5610771, 5873862 of Marlene van Blarcum Cel: 5602350, 5822882

STA. CRUZ -- Fundacion Desaroyo Integral ta organiza un workshop pa introduci na bo diferente technica mental pa juda bo baha peso.

Mayoria hende cu tin problema cu sobrepeso ta experencia con dificil e ta pa perde e sobrepeso aki. Bo ta tene dieta, bo ta perde un cantidad di kilo y despues di e dieta bo ta subi bek y tin biaha hasta bo ta haya mas peso cu prome cu bo a cuminsa cu bo dieta.

Of tin biaha bo ta cuminsa cu yen di animo cu bo plan di dieta y ehercicio y na mitar caminda bo a laga para y bo ta cay bek den e custumbernan bieu. Asta tin biaha bo ta purba cu dieta y ehercicio y casi bo no ta baha nada. Hopi di nos conoce e frustracionnan aki hopi bon! Y riba dje tur e comentarionan cu bo ta haya di hendenan rond di bo, cu ta bisa bo kico bo mester haci y kico bo no mester haci y esaki no ta haci'e nada mas facil. Hecho ta cu

bo no ta culpabel di bo sobrepeso. E causa ta e programacion mental cu ta den bo cerebro. Esey kier meen cu loke bo mester haci ta cambia e programacion aki. Awor nos ta ofece un workshop cu ta trata diferente technica mental pa bo cambia e programacion mental aki. Anto e ora ei di mes bo ta cuminsa baha. Bo no tin nodi bringa cu bo mes mas pa no come esaki of esaya. E tecnicanan aki ta hopi efectivo. E workshop aki ta wordo organiza dor di Fundacion Desaroyo Integral y lo wordo duna door di dr. Robert Leal. E lo tuma lugar diasabra mainta dia 9 di April di 9'or pa 1'or na Club Don Bosco na Noord. Pasa busca bo ticket na Plaza Bookshop y Van Dorp den Avenida Milo Croes, Aruba Post (de Witt bookstore) na San Nicolas. Pa mas informacion por tuma contacto cu Amy Lasten cel: 5610771, 5873862 of Marlene van Blarcum, cel 5602350, 5822882.

**Drumi Dushi
y Comfortabel
riba Colchonnan
Suave di**

**Ta introduci
su liña nobo di
matras y boxframe
Comfort Top, Pillow Top,
Euro Style Pillow Top
y Latex Core**



Tel: 582 2709 - 582 4405 Fax: 583 9637

SOLO Pueblo a
haya
su pen bek

Homber bao influencia buscando problema



STA. CRUZ -- Diasabra den oranan di anochi na Ying Ping Market a surgi un accidente entre dos auto cu a caba na pelea. Tur esaki a cuminsa ora cu un señora manehando A-9497 a reverse sin pagatino patras y dal tras di un Suzuki A-50156. Ambos partido a baha for di nan auto y a solicita un polis pa bin traha rapport. Den esaki un homber pata pata burachi cu tabata pafor di e supermarket a busca problema cu e señora di e Yaris y cuminsa bira agresivo. Den esaki e yiu cu tabata den auto cu su mama claramente a cuminsa na defende su mamay e homber burachi a menaza e hoben pa e cera su boca y a bay na su auto bis'e cu e ta bay habri e bahul pa e guy waak kico e tin den bahul y a menaze y



GARAGE PARTY

A WOMEN-ONLY EVENT

Diasabra April 9, 2011 6:00 pm - 8:00 pm
na Big Twin Aruba

Un evento social GRATIS caminda nos lo ofrece tips riba e areanan basico di motorcycle

Participacion ta limita
na 50 damas

Pa registra yama 582-8660

Ultimo dia pa registra ta
diahuebs April 7, 2011



Live by it.

L.G. Smith Blvd. 106 | Dialuna pa Diasabra di 9 am pa 6 pm | 582-8660
www.harleydavidson-aruba.com | harleydavidson@setarnet.aw



tira un sin fin di palabranan malo. Den esaki testigonan a purba na para e problema y e homber a bira agresivo y manda un botter di Budweiser den direccion di e hoben cu tabata den auto cu su mama. El'a herida esaki, y te hasta e homber a bin pa bringa cu e hoben. Aki e hoben a sa na defende su mes. Tanto polis di Playa como di

Noord a bin duna un man pa mantene tranquilidad y a detene e homber cu tabatin bastante placa den su poder y tabata bon burachi, agente di trafico a tuma datos y tambe declaracion for di testigonan. Mientras polis mes ta puntra kico tabata e problema di un accidente chikito caminda un homber cu no tin nada di haber a bin busca problema te hasta bringa.

Directora a haya alumno cu cuchiu den tas

STA. CRUZ -- Directora di un school den Van Leeuwenhoekstraat, diabierna 12:06, a yama polis, como cu el'a haya un alumno mucha muher cu un cuchiu den su tas. Polis a bin y a papia cu e mucha. El'a bisa cu e tin e cuchiu pa defende su mes. Polis a hibe warda y a yama su mayornan.

Nissan Sentra laga atras den bario di Seroe Blanco

STA. CRUZ -- Diasabra den oranan di atardi habitantenan di Seroe Blanco a tuma nota di un auto laga atras dilanti nan cura di cas. Di biaha a despacha patruya pa e sitio pa mira un ke otro. Na yegada di e agente policial di berdad a topa cu un Nissan Sentra blanco modelo bieu A-16541 cu plachi number di 2010. A tira un control den e auto pero nada particular di joyriding. A haya un botter di rum den e auto. Segun por a comprende for di e habitantenan cu poco mas tempran cu algun hende a bin den e Sentra. Nan a laga esaki para na e sitio aki y a move bay. Polis a tuma esaki den beslag pa waak si un persona cu lo sinti falta di su auto pa yega warda di Balashi cu documentonan valido y asina por bay cu e auto.



MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno,
Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



Strandpolitie a ruim op Eagle Beach un poco

STA. CRUZ -- Diadomingo algo pasa di 3'or marduga Strand Politie patruyando riba caminda a tira un control na Eagle Beach na e parti paden y a bin topa cu varios persona banda di nan auto ta dal drinks of toca musica. Den esaki a cuminsa cu un 'opruiming' y a cuminsa diriginan pa nan cas of busca otro lugar pa bay

para. Ta un custumber cu tur weekend ora cu tin happening eybao despues cu trip caba. Hopi hende ta laga botter di cerbez, refresco of otro sushedad cu ta bay den lama y causa daño. Den esaki varios persona a wordo hala y por a tuma nota di un Eagle Beach cu a keda trankil sin ningun tocamento di musica. Nota di readaccion: Ta

bon pa polis defini kico ta nan maneho pa uso di Eagle Beach. Awendia hopi hende no por bay clubnan mas, pasobra ta gastamento di placa. Ta busca algo 'sano' pa haci, esta chill na Eagle Beach y parce cu esaki awor no ta wordo tolera mas. Kende si mag di para na Eagle y bao cual condicion?



Chauffeur di Altezza a black out te ranca palo di luz y bolter

STA. CRUZ -- Diadomingo marduga a drenta informe cu na e cruzada di Drive Inn na e luznan di trafico un auto a ranca palo di luz te bolter. Di biaha a despacha polis pa e sitio y a pone ambulance standby si en caso tin herido. Di biaha polis di Santa Cruz a presenta na e sitio y a bin topa cu un Altezza blauw A-40744 boca abao. E chauffeur

afortunadamente no tabata herida pero si a spanta. Por a comprende cu e tabata biniendo for di Santa Cruz bayendo pa e luznan di trafico y den e bocht e mester a black out un rato. Pa ora cu e chauffeur a reacciona el a baha caminda y ranca un palo di luz y bolter cu su auto. Elmar tambe a presenta na e sitio pa cuminsa cu e trabaonan.



Accidente fuerte riba caminda di Hooiberg

A dal den auto cu ta takel auto di drag

STA. CRUZ -- Diadomingo algo prome cu 3:30 madrugando tanto central di polis y centro di alarma a ricibi informe di un accidente bastante pisa riba e caminda di Hooiberg pa Cumana, na altura di Hooiberg Store. Mesora a despacha unidadnan cu urgencia pa e sitio. Na yegada di e prome patruya, nan a topa cu un accidente basta fuerte cu daño

material y un persona cu sla na cabez. A solicita ambulance. Na e accidente aki polis por a constata cu e chauffeur di e Toyota Corolla biniendo di Cumana bayendo pariba pa direccion Sta. Cruz probablemente a perde control na stuur y bay den banda contrario net momento cu un Jeep biniendo di pariba tabata bezig ta takel un auto di drag su tras. A purba na

desvia pa no ocasiona un accidente frontal pero tabata laat. E Corolla a pasa raspe na su banda robez y ranca ambos tire bay pega banda di un palo di luz. E impacto tabata fuerte y un persona a resulta herida.

Echi Towing, Jean's Towing y One Call Towing a presenta na e sitio y a keda encarga cu e vehiculonan.





Awe ta cumpli su 40 hihhi, Gerlinda Duplessy Croes

E ta haya hopi pero hopi felicitacion di parti su one and only for life, Elthon Ras. Tambe muy especialmente di su coleganan di Bid cu ta manda bisa cu nos kier treat y tambe un abrazo grandi di su mama Cornelia y tambe di parti su rumannan: Jeanette, Alicia, Adolf y parti su sobrino(a) nan: Tristan Tara y Chantal. Tambe di parti Raymond y Anouk Duplessy y di parti Milo & Sobella. Tambe di parti su tanta- y omonan en especial Joaquin, primo- y primanan y demas famia. Y sin laga afor e gang di Sabana Basora Noord: Robby, Milda, Jarred, Darrel, David, Mirto, Sandy, Esther y Zoe. Y muy especialmente di bo cuñadito stima Chando. Hahaha no kere cu bo a scapa! Prepare yourself for the big party this Saturday!!.....XOXO.



Dia 3 di April mi

Prinses Shamaira



a cumpli un aña mas di bida. Nos a festeha e fecha special aki den famia. E ta haya felicitacion ainda di su Mama cu ta stime un mundo, su tata cu ta malcrie y su ruman Emanuel cu ta consinti'e. Di su tantanan, omonan, famia Rodriguez Britten y su amigonan. Cu Papa Dios bendicion'e cu hopi mas aña di bida y salud.

Awe nos ta canta Happy B-day pa

Indra Ras

E ta haya pabien di su mama Ingrid, tata Pedro, rumannan Susan y Jeritza, su sobrinanan Shaydee, Aliyah y Jaydee, swa Alexander, su tanta- y omonan di henter famia y su school Colegio Arubano Playa. Nos ta desea Indra hopi aña mas di bida p'e bira bon mucha y stop responde. Happy b-day Indra.



Awe nos ta canta happy b-day pa e chick mes mes di Colegio San Antonio cu ta cumpli su 14 anja. Bo kier sa ken e ta?? Awel, e ta yama Laura. E ta haya pabien di su amiganan y amigonan di klas 1-C. E ta haya pabien tambe di Jairo, Ruchir, Annetje, Mikah, Jenn, Robert y Deion. E ta haya pabien tambe di su mayornan y su ruman cu ta na Hulanda. Tambe e ta haya felicitacion di juffrouw cu ta stim'e hopi y ta desea 100 anja mas di bida yen di salud y felicidad!! Enjoy your day!!!



Dia 4 April 2011 ta cumpli aña

Edwardo Ras

E ta haya felicitacion di su unico amor: Jeandward Ras. Di su Mama Ludwina Flanegin, su rumannan Sharisma y Gilbert, tanta- y omonan, prima- y primonan. Di Madonna y Stella y Mirto Vrolijk.



Pabien Edwardo

Awe ta cumpli 13 anja Dilieny Croes

Hopi pabien ta bin di su Papi Endy, su Mami Dilailah, di tur su rumannan, tambe di su tio y tianan y su primo y primanan cu ta stim'e masha hopi mes!

Specialmente di Mama Sofia Croes, Mama Dalilah y Opa Franklin Odor. Hopi pabien y corda nos ta warda nos treat!!!



Buccaneer Restaurant introduces 3 Course Dinner for \$30.00

A la Carte Menu filled with 32 entrees including Seafood delights, Steaks, Salads and Pasta entrees



For reservations please call: 586-6172 or
E-mail us at info@buccaneeraruba.com

Hiep Hiep Hoerraaa dia 2 di April Nos a canta happy B-day pa

Daniela Rimayra Koolman

Daniela ta ricibi hopi pabien ainda di su mami Judella, su Papi Danielo y su big sister Danella. Tambe di su tanta y omonan, tur su primo y primanan, di su welo y wela su madrina Lili y padrino Ismael, di su juffrouw Jasmine y tambe di su Juffrouw stima Tita y tur du amigo y amiga nan di Casique Macuarima School. God bless you! Happy Birthday Princess!!!



A cuminsa cu reconstruccion di e BMX Track na Jaburibari



STA. CRUZ -- Tabata necesario pa logra esaki pa asina nos atletanan di e deporte BMX por sigui competi ariba un nivel mundial.

Esaki ta un logro grandi pa Aruba, pa tin un professional BMX Track traha pa e compania cu ta certifica pa UCI cual ta Elite Trax inc, cu otro



palabra e compania aki ta esun cu ta traha e tracknan mundialmente e.o. na Brazil, Canada, Australia, South Africa, Singapore, Denmark.

Tambe tin dos otro compania local cu tambe ta forma parti di e proyecto aki. Gobierno di Aruba y minister Dr. Richard Visser ta hopi orguyoso di por inverti den e deporte aki ya cu nan ta demostrando ariba nivel internacional nan logronan. Cu e track aki Aruba lo ta un "hop" pa diferente pais e.o. Canada y Venezuela cu nan lo por bin train aki na Aruba. Tur esaki lo contribui na juda eleva e nivel di nos atletanan den e ramo di deporte.

Tambe cu reconstrucción di pista aki lo duna estimulo na nos muchanan di e bario aki y becendario pa cuminsa practica e deporte di BMX. Actualmente ta na Aruba un international coach di Venezuela Sr. Pedro Manuel Paez, cu tin e tarea pa train e seleccion di Aruba pa Weganan di Panam.

Cu e reconstrucción di e pista na Jaburibari ta haci posibel cu Aruba lo bira e cede pa cardenan Centro Americano y Caribe c uta tuma lugar dianan 24.25.26 juni 2011.

Paisnaneo: Venezuela, Nicaragua, Puerto Rico, Mexico, Korsow, Guatemala, Colombia y Costa Rica.

Aruba Video Center ta laga St. Rosa Memories Nagico den tereno

STA. CRUZ -- Diabierna atardi den e prome wega di "Old Good Times" Baseball Tournament 2011, e equipo di Aruba Video Center a sa di bay cu e victoria, ora den e ultimo inning Maikel Jeandor ta subi base cu un hit pa left, Rock Angela ta conecta otro hit pa left, Icho Matos ta subi base cu un eror di segunda base, Edward Cannister ta ta conecta un batazo pa manda maikel pa home y corta e ventaga na 3-4, despues tabata Jerry Agunbero cu a empata e wega ora cu Icho Matos ta score, y Gordo Cannister ta bay segunda, y Maikel Rasmijn ta saca un hit cu a pica bay den deep left, y Gordo ta score for di segunda pa anota e ultimo careda pa gana e partido. Un momento di alegria pa e publico cu tawata presente pa wak e wega. Pa St. Rosa Memories Nagico tabata tin 4 careda, 6 hit, 2 error, mihor bateador nan tabata Lindon Lourens 1-3, Ruben Snoijl 1-3, Gregory Reina 1-3, Shendy Reina 1-2, Johnny Martina 1-1 y Shendy Cras. Pa Aruba Video Center tabata tin 5 careda, 9 hit, 1 eror, best batetr tabata Jerry Agunbero 1-4, Maikel Rasmijn 2-4, Richard (Nun) Flanegin 1-3, Tula van Heyningen 1-3, Johnny Thiel 1-3, Maikel Jeandor 1-1, Rock Angela 1-3 y Edward Cannister 1-3. Den di dos wega di anochi: The Bears ta gana Marlboro Red Machine cu e score di 2 pa 0 E di dos wega a cuminsa cu e mes un animo cu esun prome ora cu e publico a biba e momentonan di emocion di wega den e ultimo inning. E team di Curaçao den number di The Bears sigur un tremendo team, den forma, y aki nos mester remarca cu e peloteronan di Curaçao a keda hopi bon den forma, dor cu nan ta hungando campeonato organiza den Liga na Curaçao, algo cu sigur lo bai inicia tambe na Aruba. The Bears ta gana cu e score di 2-0, pa The Bears 2 careda, 4 hit, 1 eror, mihor bateador tabata Deron Clara 1-2, Norwin Mosquit 1-3, Rubelyn Nicasia 1-3 y Michael Cijntje 1-3. Pa Marlboro Red Machine, 0 careda, 3 hit, 1 error, hitnan tawata di Emiliano Thiel 1-3, Gabriel Dijkhoff 1-2, Victor Vrolijk 1-3. Diasabra e ultimo partido a bay entre The Bears y Aruba Video Center, unda tur equipo tabata tin 1 partido gana caba. Aruba Video Center ta laga The Bears tambe den tereno cu e score di 12-11 E partido a cuminsa cu basta animo y a bay completo 7 inning y na final Aruba Video Center ta laga The Bears den tereno cu hit di oro di Maikel Jeandor. E score a bira basta grandi ora cu ambos equipo a sa di rek e score cu basta batazo, un total di 25 hit pa tur dos team. Pa The Bears, 11 careda, 10 hit, 2 error, best batters tawata Deron Clara 1-3, Elroy Philips 1-1, Rubelyn Nicasia 3-4, Victor Caldera 1-3, Wendell Brigita 2-4, Michelangelo Cijntje 1-4, Percy Schoop 1-2. Pa Aruba Video Center, 12 careda, 15 hit, 5 eror. Best batter tabata Tony Hassel 2-5, Jerry Agunbero 1-3, Alfonso Steenen 2-2, Maikel Rasmijn 3-5, Maikel Jeandor 2-3, Edward Cannister 1-3, Tula van Heyningen 1-2, Rock Angela 1-1, Frank Geerman 1-2, John Laurence 1-1. Asina a pasa algun weganan di baseball veterano cu hopi ambiente na Stadion di Winston, cu naracion di Riley Mercalina cu a sa di haci un bon trabao, tambe un danki na Popoy Reyes cu a zorg pa e cuerpo di umpire, Robby Burleson y Marla Reyes cu tabata e scoreman. Na veld mes a hanja tremendo yudanza di Juan Maduro y Eugene Helder, cu a duna un bon trabao. Aruba por a gosa di un bon baseball y un bon ambiente den Stadion. Lo tin mas edicion di "Old Good Times" Baseball 40 plus.

RESULTADONAN DI BIG LEAGUE 2011

BIG LEAGUE	R	H		FECHA: 2 APRIL 2011	TERENO: DRAGON HITTERS
A.I.B. ROCKETS	4	8	2	PITCHER GANADOR: IXOMAR SCHULENBURG	
ATCO INDIANS	3	2	2	PITCHER PERDEDOR: ANGELO CAMARA	

MIHO BATEADOR: A.I.B. ROCKETS: Shurman Marlin, Bryan Thiel, Edmar Boekhoudt 2-2; Bernard Geerman 2-1; Cedric St Jago 3-1

MIHOR BATEADOR: ATCO INDIANS: Richenel Matos 1-1; Sicnarf Loopstok 3-1

BIG LEAGUE	R	H		FECHA: 2 APRIL 2011	TERENO: DRAGON HITTERS
VALERO	17	14	1	PITCHER GANADOR: SHAKIR ARRINDELL	
QUALITY CHIROPRACTIC	5	9	0	PITCHER PERDEDOR: GERALD BISLIK	

MIHO BATEADOR: VALERO: Albertico Noguera 3-3 (1HR); Dwayne Luidens 3-2; Kevin Jefferson 2-1 (HR), Jermaine Manuel, Shakir Arrindell 4-2

MIHO BATEADOR: QUALITY CHIROPRACTIC: Darwin Escobar 3-3; Joel Flanegin, Mike Kelly 3-2; Jhon Lopez, Kevin Regales 2-1; Frankelly Ter Beek 3-1 (HR)

BIG LEAGUE	R	H		FECHA: 3 APRIL 2011	TERENO: DRAGON HITTERS
VALERO	0	3	1	PITCHER GANADOR: JURVIN TROMP	
ATCO INDIANS	10	7	1	PITCHER PERDEDOR: MIKE KARG	

MIHO BATEADOR: VALERO: Albertico Noguera 2-1; Dwayne Luidens, Jermaine Manuel 3-1

MIHO BATEADOR: ATCO INDIANS: Jarzinho Werleman 3-2; Sicnarf Loopstok 2-1, Milton Croes, 2-1 (HR), Jiandido Tromp 2-1 (HR)

BIG LEAGUE	R	H		FECHA: 3 APRIL 2011	TERENO: DRAGON HITTERS
QUALITY CHIROPRACTIC	2	8	4	PITCHER GANADOR: RICHENEL ROSEL	
A.I.B. ROCKETS	9	8	2	PITCHER PERDEDOR: DEYON PETERSON	

MIHO BATEADOR: QUALITY CHIROPRACTIC: John Lopez, Kevin Regales 3-2; Mike Kelly 2-1

MIHO BATEADOR: A.I.B. ROCKETS: Ixomar Schuilenburg 4-3; Jean Franco Wouters 4-2; Shurman Marlin 2-1

Afz. Elio Heronimo Tel. 5683967 of 5821195 Fax. 5831572 email: eheronimo@hotmail.com

CAMPEONATO 2011 DI ARUBALITTLE LEAGUE CATEGORIA BIG LEAGUE

FECHA ORA	HOMETEAM	V/S	VISITOR	TERENO	MIEMBRO NA WARD
*****	*****		*****	*****	*****
26-03-11	10.30 QUALITY CHIROP.		A.I.B. ROCKETS	DRAGON HITTERS	ELIO HERONIMO
	13.00 VALERO		ATCO INDIANS	DRAGON HITTERS	RHODY DONATA
27-03-11	10.30 QUALITY CHIROP.		ATCO INDIANS	DRAGON HITTERS	DONALD KELLY
	13.00 VALERO		A.I.B. ROCKETS	DRAGON HITTERS	MODESTO RUIZ
02-04-11	10.30 ATCO INDIANS		A.I.B. ROCKETS	DRAGON HITTERS	ELIO HERONIMO
	13.00 QUALITY CHIROP.		VALERO	DRAGON HITTERS	RHODY DONATA FINAL DI
					PROME ROND
03-04-11	10.30 ATCO INDIANS		VALERO	DRAGON HITTERS	DONNY KELLY
	13.00 A.I.B. ROCKETS		QUALITY CHIROP.	DRAGON HITTERS	MODESTO RUIZ
09-04-11	10.30 A.I.B. ROCKETS		VALERO	DRAGON HITTERS	ELIO HERONIMO
	13.00 ATCO INDIANS		QUALITY CHIROP.	DRAGON HITTERS	RHODY DONATA
10-04-11	10.30 VALERO		QUALITY CHIROP.	DRAGON HITTERS	DONALD KELLY
	13.00 A.I.B. ROCKETS		ATCO INDIANS.	DRAGON HITTERS	MODESTO RUIZ
					FINAL DI DOS ROND
16-04-11	10.30 ATCO INDIANS		A.I.B. ROCKETS	DRAGON HITTERS	ELIO HERONIMO
	13.00 QUALITY CHIROP.		VALERO	DRAGON HITTERS	RHODY DONATA
17-04-11	10.30 QUALITY CHIROP.		ATCO INDIANS	DRAGON HITTERS	DONALD KELLY
	13.00 VALERO		A.I.B. ROCKETS	DRAGON HITTERS	MODESTO RUIZ
07-05-11	10.30 QUALITY CHIROP.		A.I.B. ROCKETS	DRAGON HITTERS	ELIO HERONIMO
	13.00 VALERO		ATCO INDIANS	DRAGON HITTERS	RHODY DONATA
					FINAL DI TRES ROND
08-05-11	10.30 VALERO		QUALITY CHIROP.	DRAGON HITTERS	DONALD KELLY
	13.00 A.I.B. ROCKETS		ATCO INDIANS.	DRAGON HITTERS	MODESTO RUIZ
14-05-11	10.30 A.I.B. ROCKETS		VALERO	DRAGON HITTERS	ELIO HERONIMO
	13.00 ATCO INDIANS		QUALITY CHIROP.	DRAGON HITTERS	RHODY DONATA
15-05-11	10.30 ATCO INDIANS		VALERO	DRAGON HITTERS	DONNY KELLY
	13.00 A.I.B. ROCKETS		QUALITY CHIROP.	DRAGON HITTERS	MODESTO RUIZ
					FINAL DI CAMPEONATO

“ TEMPO.”

Hermosura cu un curpa
di marfil
beyeza luciente amante
debil
hubentud radiante como
muher
ta luci su imagen pa
enloquece
a bira mama lagando e
caminda
di hermosura cu rastro y
marca
mirando con e cuero a
rek
ni kico cu haci ya e no ta
strek
den spiel ta mira aña
pasa
ni cuanto crema caro cu
a usa
e lachinan a bin ta
mustra
ni botox ni cirugia por a
yuda
hasta e curpa ta bira
cansa
riba hilchi halto ya no por
cana
viehez a bin ta coi curpa
loke a keda ta rastro i
recuerdo
riba potretnan cu jamas
lo bin atrobe i lo keda
atras.
solamente nos beyesa
spiritual ta keda briya sin
caba .

Nos bida ta basa riba
tempo
pa nace, pa crece i pa
muri
Pesei mester haci bon
uso di tempo
cu Papa Dios a regala
cada un di nos .

Autor: Omaira
I.Rodriguez-Britten





NO. 1 DEN LOTERIA

CADENA ALEXANDER

FECHA : 02 April 2011

STO.DOM	CORSOW	DIARIO	SUPER 4	LOT/CAT	BIG 4
	9635	7826	3917	8896	2125
	2257	1538		1909	
	5414	8966		9424	
LOTTO		01-02-11-34-35			
JOKER		09			
LETTER FREE		G			
ZODIAC:		9721 Capricornio			

NO. 1 DEN LOTERIA

CADENA ALEXANDER

FECHA : 03 April 2011

STO.DOM	CORSOW	DIARIO	SUPER 4	LOT/CAT	BIG 4
4466	6183	3563	3674	0527	5693
5639	3760	0043		8930	
8151	6970	0294		8786	
LOTTO DI DIA:		11-12-21-29-30			
ZODIAC:		4286 Aries			

CLASIFICADO

TA BENDE

Un pick-up Chevrolet
S10, hopi zuiver,
dobbel moffel, airco,
mac reem, bon sonido
di radio 566-7287

TA BENDE

UN SET DI SPEAKERS
PA MINI-TECA AFL
500,00

TLF 565-3508 BLIT
BLIT.

Advocatenpraktijk mr. Marcolino Croes N.V.

ta anuncia cu despues di un
re-organizacion di oficina,
nos ta ofrece pueblo tur
clase di trabao juridico y te
den corte. Cos ta slow, pero
na nos oficina bo ta ricibi
un trato especial. Nos ta
atende bo casonan civil, e.o.
divorcio, cobranza, herencia,
etc. y casonan penal y
pone bao curatela. Nos ta
procesa casonan di permiso,
prolongacion, rentenier y
firma liber, etc. PS Nos tin
na venta un airco split unit di
24.000 BTU pa Afl. 1.300,=
mescos cu nobo. Yama nos
na 588-3208 of 588-2067

TA HUUR

Un aptm. lux na Sabana Basora cerca
di retonte Pos Chiquito. Included awa y
coriente preferible un hende muher. Tin
exceso na pool y internet. Pa mas info
yama: 585-1823 / 565-2317 / 593-1523

All Pro Pest Control

Tin servicio di spuit tur insecto e.o.
fruminga, cacalaca, raton, djaca,
carpata etc. etc. Pa evita dengue
tambe nos ta haci garden spray.
Yama nos na 5663043 of 5675133
Of pasa na Shaba den e mall riba e
laundry.

**Les di
Idioma**
Estableci na 1993
✓ **INGLES**
✓ **HULANDES**
Grupo Awg.250 pa luna
Individual Awg.400
Mainta of anochi
☎ 5825893 Juff. Ras

TA BENDE

Cosnan di Baby
entre otro
Cama
Interesado Call

5931012

"Learn to Drive" beginner
brush-up
Courses

English Spanish Instructor
Very Reasonable rates

patience is our
business

For information
Call 566-1413




Cabinet & Construction

Nos ta traha tur tipo di Cabinet
cushina, banjo, kamer, office, hotel etc..
tambe nos ta instala Top di Graniet of
Marmer y no cumpra cos nan di carton y
nos ta hasi tur trabou nan di Construction
manera traha of renoba bo Cas

Call: 6606516 / 5612532

We Are Simply the Best

email: richardgeerman@hotmail.com

Computer Courses

Since 1993

Beginners / Advanced

*WORD *EXCEL *E-MAIL
*INTERNET *FACEBOOK
*POWERPOINT*PHOTOSHOP
*QUICKBOOKS BEG y ADV
Tambe: Type les y
Pakket pa 60⁺ PENSIONADO
Tel.5880950-7438585



Medical & Home Healthcare Services

Av. Milo Croes 52, Dakota - Aruba

Tel. 582 6651 / Fax 582 6567

BUSCA TUR BO PRODUCTIONAN DIABETICO

Manera:

Diabetic Hand, Elbow & Knee Lotion
Diabetic Face Care
Diabetic Nail & Finger Cream
Diabetic Foot Massage Cream
Diabetic Key Chain (Jabero)
Diabetic Bracelet and Necklace (Armband i Cadena)
Special Medical Diabetic Shoes
Glucio Perfect (Machine pa test sucu den sanger.)


Labco Medical
lider den productionan
Diabetico na Aruba

NEW GENERATION

TIN BO SOLUSION!!!
pa chica pos

:5605435
:7477004

servicio pa cas, compania, hotel, ect



NOTICIA INTERNACIONAL

Forzanan Frances ta tuma control di aeropuerto na Abidjan



Costa Marfil -- Francia a manda extra tropa na pa e ciudad mas importante di Costa Marfil, Abidjan, y a tuma control di su aeropuerto. Un vocero militar Frances a bisa cu tabatin un falta di seguridad, na momento cu forzanan, anteriormente leal na Laurent Gbagbo, a cambia di banda. Bringamento ta continua entre tropa na Gbagbo y apoyadornan di su rival, Presidente Alassane Ouattara, reconoce door di Nacionnan Uni. E stacion di TV pro-Gbagbo, a pidi e pueblo pa mobilisa contra "ocupacion" Frances. Forsanan di Ouattara lo ta planeando mas avance den direccion di e palacio presidencial y a impone un "toke de keda" den e ciudad. Un vocero di e gobierno di Ouattara a bisa cu Laurent Gbagbo, awor solamente ta controla e palacio presidencial y e residencia presidencial. Pero residentenan di Abidjan ta raporta un bista mas mixto, cu gruponan arma, leal na e dos bandanan ta presente den e ciudad. Tin forsanan formal pero tambe grupo di milicianan di hubentud cu a ser arma. Diferente lidernan miliar clave, incluyendo e hefe di ehercito, a bandona Gbagbo, pero su forzanan te ainda tin armanan superior, incluyendo diferente tanki. Francia a manda 300 solda extra pa Costa Marfil, hibando e cantidad na 1.400. No tabata tin plannan inmediato pa cuminsa evacua stranheronan, apesar cu masomenos 1.600 tin refugio den un campamento militar Frances.

Cadavernan di trahadornan di planta nuclear di Fukushima ser recupera



Tokio -- Cadaver di dos trahador cu a ser mata door di e tsunami, cu a destrui e planta nuclear Daiichi, na Fukushima a ser recupera, mas di tres siman despues di e disaster. E restonan a ser haña, Diaranson, pero mester a ser de-contamina, prome cu nan por a ser entrega na e famianan. Mientrastanto, oficialnan te ainda ta luchando pa stop e lekmento di e awa contamina den lama, for di e reactor number 2.

Miles di hende ta perdi den guerra di droga na Mexico



Ciudad di Mexico= Un organizacion pa derechonan humano Mexicano, a bisa cu miles di hende a desaparece na Mexico, for di aña 2006. E comision di CNDH, a bisa cu 5.397 persona a ser raporta perdi for di dia cu Presidente Felipe Calderon a declara gera contra cartelnan di droga. Un estudio di Nacionnan Uni a sugeri cu e forsanan di seguridad lo por a causa parcialmente e desaparicion di algun di esnan perdi. Calderon a manda 50.000 trupa como parti di su gera contra e cartelnan. E comision a bisa cu 3.457 di esnan cu a desaparece tabata homber y 1.885 tabata femenino, mientras cu no tin informacion di e otro 55 casonan.

Divorcio di prome pareha di Guatemala a ser para




Ciudad di Guatemala= Un corte na Guatemala a ordena un paro na e procedimentonan di divorcio di e prome pareha di e pais. E Prome Dama Sandra Torres a bisa siman pasa, cu e tabata divorciando for di Presidente Alvaro Colom, pa asina por participa na eleccionnan pa presidente di e pais, sucediendo su esposo, e actual presidente. E constitucion di Guatemala ta prohibi, famianan cerca di e presidente pa participa na eleccionnan presidencial. Un grupo di studiantenan a presenta un peticion na corte, pa stop e divorcio, cu lo por desvia e constitucion. E studiantenan a jama e accion aki di e pareha presidencial, un farce. Siman pasa, Señora Torres a bisa Guatemalteconan, cu e tabata bandona un matrimonio amoroso, pa bienestar di e nacion.

NOTICIA INTERNACIONAL

Escritor ta bisa cu prohibicion di boeki di Gandhi ta un verguenza

Gujarat, India -- E autor di e boeki tocante Mahatma Gandhi a bisa cu ta un "verguenza", cu e boeki a ser prohibi den e estado occidental di India, Gujarat. E ganador di e Premio Pulitzer, autor Joseph Lelyveld a bisa cu e buki a ser prohibi, a base di revision y comentarionan den corant. E la bisa cu e comentarionan a sensacionalisa su relato di Gandhi su amistad cu e homber Aleman, cu kizas tabata homosexual. Apesar legal, homosexualidad te ainda ta carga un stigma na India. E Asamblea di e estado di Gujarat, a vota unanimamente, Diaranson pa prohibi "Great Soul: Mahatma Gandhi and His Struggle With India", inmediatamente, apesar cu ainda e no a ser publica na India, y poco hende a lesa e buki. "Den un pais (India), cu ta jama su mes, un democracia, ta un verguensa cu ta prohibi un buki cu ainda ningun hende no a lesa, incluyendo e hendenan cu ta prohibiendo esaki," asina Sr. Lelyveld a bisa e Press Trust di India su agencia di noticia. Escritornan indio y famianan di Mahatma Gandhi a protesta contra e prohibicion. Gandhi su bisanieto, Tushar Gandhi a bisa cu e ta contra prohibicion di cualkier buki y cu no ta importa si "Mahatma tabata heterosexual, homosexual of bisexual". "Semper e lo ta e homber cu a hiba India na su libertad". E hefe minister di Gujarat, Narendra Modi a bisa cu e contenido di e buki tabata "perverso y a defama e icono di no-violencia".



Violado di "Westside", John Thomas, encarcela na California

Los Angeles= Un homber conoci como e "violado di Westside", kende a terrorisa e suburbionan di Los Angeles den añanan di 1970 a ser encarcela pa bida largo, pa motibo di siete asesinato.



John Floyd Thomas, di 74 aña, a acepta culpabilidad y a ser sentencia na siete termino di cadena perpetua, sin posibilidad di "libertad bao palabra". Thomas a ser acusa na 2009, despues cu testamento nobo di DNA, a vincule cu atakenan den cual un muhe di medio edad y un dama di edad avansa a ser viola y choka mata na nan casnan. Polisnan a bisa cu kizas e ta culpabel pa mas di 30 asesinato. Thomas, un homber di aseguro, previamente a pasa castigo di prison pa crimennan sexual y tabata pa e sentencianan aki, cu su DNA a ser tuma atrobe na 2008, den un proceso pa colecta pruebanan for di ofensornan sexual. E pruebanan aki a pone investigadornan na California conclui cu Thomas tabata e violado di Westside, kende a comete un serie di violacion y asesinato di muhe- nan adulto den dos ola, den añanan di 1970 y 1980.

Avionnan di Southwest Airlines, a ser prohibi pa lanta vuelo

Phoenix/Sacramento= E compania Mericano Southwest Airlines a prohibi vuelo di 80 di su avionnan pa inspeccion, despues cu un buraco a habri durante vuelo, den e dak di un di su avionnan. Investigadornan a descarta terrorismo, pero te ainda no por a establece e causa di e ruptura aki. E buraco a causa un caida den presion di cabina y e vuelo 812 for di Phoenix pa Sacramento a ser forsa pa baha rapidamente y aterisa di emergencia. Un ayudante di vuelo, a ser levemente herida durante e incidente cu a pasa Diabierna. Testigonan a bisa cu algun persona abordo di e Boeing 737-300, casi a bai for di tino, ora nan tabata buscando ajudo di mascaranan di oxigeno. Tabatatin 118 pasahero y tripulacion abordo di e avion di 15 aña bieuw.



Muher na Acapulco a haci muchanan riba caya su mision

Acapulco, Mexico= Si puntra Rosa Maria Cruz-Muller, cuanto jiu e tin, e lo contestabo, centenaes, kizas miles. E empleado publico di 53 aña, tin tres jiu biologico. E otronan e ta rescata nan for di caja, ta tuma nan na cas y ta duna nan un bida nobo... leeuw for di droga, abuso y un morto tempran. Tur hende ta jamele, Mama Rosy. E ta describi su mes como "un hende cu ta duna amor na muchanan di caja". E ta hasiendo esaki pa hopi tempo. Pa mas cu 30 aña, e mision di Mama Rosy tabata pa rescata muchanan for di riba caja den e resort turistico Mexicano di Acapulco. Ora cu otronan ta mira criminalnan chikito, adictonan di droga y prostituta hoben, Mama Rosy ta mira den nan, muchanan abandona cu mester di amor. E ta bai na lugarnan cu hopi ta considera peligroso, buscando muchanan, cu ningun hende no ta preocupa pa nan. Hopi biaha e ta pasa banda di brug den vecindario di e pier di Acapulco, na unda hopi mucha di caja ta busca refugio for di e solo tropical. Durante un reciente paseo riba e brug, Mama Rosy a duna algun di e muchanan paña. E la hiba dos muchahomber cu particularmente tabatatin hamber, na un supermercado y a compra cuminda y sandalianan pa nan, cu su mesun placa. "Nan tin mester di asina hopi amor", Mama Rosy a bisa. Un di e muchanan cu e la rescata, awendia ta un homber hoben, cu ta traha cu mantencion di botonan na e pier. Muchanan semper ta bonbini na su cas, 24 ora pa dia, na unda semper nan ta haña un cuminda cajente y por tuma un baño. Mama Rosy, ja tin 24 nieto no-biologico. Dythra Lopez, kende tabata perdi den un mundo di droga, ora cu Mama Rosy a rescatele na edad di 16 aña, awor ta gerente di un tienda. Lopez a bisa cu "Mama Rosy ta e mama cu semper a stima nos; e mama cu nunca nos tabatatin". Pero den tur storia di exito, tin tambe e partinan tristo. Hopi di e muchanan cu e la purba di rescata, simplemente ta desaparece sin laga rastro atras. Nan ta bai pa otro ciudad, ta ser violentamente asesina of ta termina den prison. Aña pasa un muchamuhe di 16 aña, cu tabata jama su mes "Jahaira", y cu segun mama Rosy tabata prostituta pa paga pa su habito di droga, a bira malo y a resulta cu e tabata muriendo di Aids. Mama Rosy a logra haña un famia di dje. Su abuela tabata na su cama di morto, ora cu e la fajece e siguiente dia. Un di su jiunan biologico, Vanessa Santoyo, kende ta juda muchanan kendenan ta sufri di heridanen fisico y emocional, a bisa cu su mama "ta un heroe, e mehor mama di mundo pele y pa e otro muchanan". Mientras cu tin muchanan cu mester di ajudo na Acapulco, Mama Rosy lo tei pa nan





OPEN NOW!

Variety of Coffee & Tea

Sandwiches



Cakes



Salads



Free Wi-Fi
Internet



Noord 82 - A / Tel.: 586-7272
Open From 9 am - 9 pm

Sentra a dal tras di BMW na luznan di trafico Fatum

STA. CRUZ -- Diasabra den oranan di atardi na e luznan di trafico di Fatum riba L.G. Smith Blvd a sosode un accidente caminda un Sentra a dal tras di un BMW aki di biaha a dirigi patruya di trafico na e sitio. Na yegada di e patruya ta topa cu e accidente caminda aki chauffer di e sentra no a regula su distancia tras di e BMW



y dal kibra su luz banda

robes y dobla e hood. Mientras ningun persona a resulta herida pero si trafico a bira druk un rato pa bay direccion di Tamaijn Hotel.



Daewoo a dal tras di Optra na Hato



dilanti. E impacto tabata minimaal y polis a traha rapport pa ambos partido

canan nan caminda bay pa nan seguro.



STA. CRUZ -- Diabierna den oranan di atardi pa noord di Seppa na Hato a sosode un accidente entre dos auto aki di biaha a despacha patruya di trafico playa na e sitio. Na yegada di e unidad ta bin topa cu e accidente y aki a constata cu e chauffer di e daewoo no a regula su distancia y debi cu tin santo riba caminda a pone e auto aki dal tras di un optra preto su

Accidente fuerte entre auto y scooter den Driemasterstraat




STA. CRUZ -- Diabierna den oranan di anochi a drenta informe di un accidente bastabon entre



un auto y un scooter den Driemasterstraat. Aki di biaha ta despacha polis cu urgencia na e sitio

altura di united dinner y ta topa cu e motociclista benta abao kehando di dolor fuerte na su man drechi. Por a compronde cu e chauffeur di e jeep cora biniendo di luznan di trafico bayendo noord y na dadomomento mester a drenta caya Trimonstraat pa bay pabao y a crusa dilanti un scooter biniendo di noord. E chauffeur di e scooter a purba na desvia pero no tabata por a haci nada y a dal riba e jeep y cay riba caminda ricibi slanan fuerte na curpa. E chauffeur di e scooter a kibra su man drecha y tabata sangra basta ambulance a traha cune y hibe hospital pa asistencia medico.



Homber cu a yama polis pa accident mes ta bringa cu polis

STA. CRUZ -- Diabierna den oranan di anochi patruya di trafico a wordo dirigi pa un accidente den Primavera na nan yegada a atende cu esaki. Den esaki e persona cu a yama polis pa e accident tabata bastante fastioso. Na varios ocasiona por a compronde for di testimonian cu polis a hala su atencion pa

laga polis haci su trabao pero na ultimo e homber a cuminsa herbe cu te asta cu polis e tabata kier a bringa, no sa si e homber ta bou di cualkier substancia straño pero si tabata actua teribel y kier a bringa cu polis. Den esaki e homber a faya y a haya caminda e tabata cla pa dal un polis un bofta y polis na ocasion

den un tremendo tactica a pone e homber aki plat y detene inmediatamente y hibe warda pa mas investigacion.



Accidente frontal entre Sentra y Jeep na Paradera



STA. CRUZ -- Diabierna den oranan di anochi dilanti Sui Sang Supermarket na Paradera a sosode un



accidente frontal entre un Sentra y un Jeep aki di biaha ta despacha patruya na e sitio. Na yegada enberdad a bin topa cu e accidente y a constata cu e



Sentra pa un of otro motibo e chauffeur no a controla su stuur bon y a dal frontal cu e jeep biniendo for di Casibari pa yega na e caminda pa Paradera. Afortunadamente ningun persona herida pero si e front di e Sentra a ricibi daño.



Antisocialnan a cuminsa plunder un Suzuki na Tanki Leendert



STA. CRUZ -- Diabierna mainta habitantenan altura di dam di Tanki Leendert a tuma nota di un Suzuki blanco bandona banda di e dam, pero tabata completo cu su 4 tirenan,



despues di a yega cas anochi a waak cu ainda e auto t'ey y falta 1 tire y a notifica polis. Aki patruya a presenta na e sitio y enberdad a bin topa cu e auto aki bandona banda di e dam faltando 1 tire parti patras y paden tabata desarma aki a notifica takelwagen di polis y a tuma esaki den beslag pa investigacion.



Dos Nissan Sentra bandona na Bushiri

STA. CRUZ -- Diasabra den oranan di mainta habitantenan di Bushiri a tuma nota di 2 Nissan Sentra blanco bandona riba e tereno di Go Gard aki di biaha a despacha un patruya na e sitio. Na yegada di e patruya enberdad ta bin topa cu dos nissan sentra blanco y a controla e number y enberdad ta procidente di joyriding aki a hiba e auto warda di Balashi pero polis mes a notifica e doñonan na unda nan auto ta cu nan por pasa buske, cual cu nan no tabata kier pa haci investigacion riba dje.



Truck a dal tras di un Jeep na Paradera



STA. CRUZ -- Diabierna den oranan di anochi dilanti di Great Rich na Paradera a sosode un accidente entre un Truck y un Jeep aki fotografo cu tabata den vecindario a yega na e sitio. Tabata tin un trafico bastante druk for di Tanki Flip bay te rotonde Paradera y pa bay Meiveld den un rato di ora. Na yegada na e sitio por a tuma nota di un accidente cu daño chikito caminda e bumper di e truck

so a ricibi sla y nada grandi. Aki ambos chauffeur a tuma datos di otro y yega na un areglo.



Desconocido a kibra vitrina di berghok na Bushiri



STA. CRUZ -- Diasabra den oranan di anochi habitantenan di Bushiri Complex a scucha un desordo duro e parti abao y ora a bay tira bista e conocido J a pasa basha e glas abao di e berghok di oficina di FCCA y drenta mondi.

Aki di biaha a despacha patruya na

e sitio y ta bin topa cu e vitrina di e glas cu a wordo kibra.

A tira un control rond pero ningun rastro di un sospechoso, pero si polis a ricibi un nomber di ken por a comete esaki.

Mientras a haci un buskeda rond, pero no por a encontra nada.



Auto misterioso a ranca pal'i luz na Angochi



STA. CRUZ -- Diadomingo mainta trempan habitantenan di Angochi a tuma nota cu coriente a bay y ora a sali pafo pa wak kiko a tuma nota cu un starlet a para bandi caminda y un dama a baha for di esaki coi algo abao. Pero pa ora a bay wak e plachi number tabata laat. Polis di Santa Cruz tabata druk cu varios accidente y na Drive Inn cu un auto a bolter, a despacha un patruya di Noord pa duna un man y a bin topa cu e palo di luz kibra caminda wayanan di coriente ta colga abao. E auto mes cu a comete esaki mes a bandona e sitio. Ta papia di un Ford caminda a laga un prueba atras, y polis a ricibi un pista na unda e auto aki ta skondi, mientras pronto lo bay pone man riba esaki. Elmar a presenta na e sitio y a cuminsa cu nan trabao pa kita coriente y pone un palo di luz nobo.

Eric Wente ta conduci un purbamento di biña na El Gaucho



STA. CRUZ -- Eric Wente di Wente Wines a bishita El Gaucho Restaurant, durante su bishita di un fin di siman riba e isla, como invitado di e Arion Wine Company. E CEO amabel di e famoso compania di biña tabata riba e isla pa un torneo caritativo di golf y asina mes el'a tuma e tempo pa personalmente introduci e staff di e sala di comemento den e isla su famoso steakhouse situa na Wilhelminastraat, na su coleccion di biñanan di calidad. Wente, un miembro di e di cuater generacion di trahadornan di biña, a yega di bishita Aruba un cantidad di biaha caba y e ta raporta cu e ta tene contacto regular cu varios destinacion Caribense popular cu ta carga su biñanan, como tambe liñanan crucero cu ta sirbi e biña na pasaheronan den e restaurantnan.

Den colaboracion cu su rumannan y yiunan, Eric Wente a desaroya e compania pa inclui un cantidad grandi di hectare di tereno di biñero den e Livermore Valley, San Francisco Bay y na Arroyo Seco, Monterey. E famia

por mira dilanti riba hopi aña mas di biñanan ganador di premio, despues cu C. H. Wente, un inmigrante Aleman, a bira e prome generacion di trahador di biña pa lanta e negoshi na 1883. Joost Röben di Arion Wine Company y supervisor di restaurant Margaret a compaña e participantenan mientras cu Wente a guia nan door di e purbamento di tres blanco y tres cora, esta Tamas Estates, 2009 Pinot Grigio, Morning Fog Chardonnay 2009, River Bank Riesling 2008, Crane Ridge Merlot 2007, Shorthorn Canyon Syrah 2008 y Southern Hills Cabernet Sauvignon 2008. Wente a deleita e participantenan cu su notanan interesante tocante e purbamento y a revela cu e biñeronan ta situa na un di Noord California su regionnan historico di biña.

Na final di e sesion, Wente a premia un regalo na Francis Loopstok, kende a sobresali den e benta di biñanan di Wente Vineyards durante e prome siman di un incentivo planea pa seis siman.



CRIMEN ORGANIZA YA TIN SU RAIZ NA ARUBA!

STA. CRUZ -- Ora bo mira loke ta pasa den diferente pais den mundo, manera na Mexico, Colombia, Venezuela, Merca y den diferente pais na Europa, bo no por imagina bo cu esaki ta sosode tambe den pais di apenas 100.000 habitante. Na Corsou tabata tin un tempo cu crimen organiza a domina tereno completamente na unda mortonan tabata cay den tur fin di siman. Esaki a trece cune cu e isla e tempo ey a bay atras completamente pa loke ta trata seguridad. Aruba no a keda atras, pero pa añanan ta sufri di e fenomeno aki. Unda droga haci su entrada, ta problema grandi ta existi, ken por para nan, ken ta risca nan bida, bida di nan famia pa haci algo contra e personanan aki, kendenan nan alma y curpa ta entrega na maldad, na satanas. Dificil! Loke ta pasando den e dlanan aki ta e fruta cu a ser sembra door di diferente Gobernante den pasado, kendenan a laga e raiz crece y bira un monstruo sin igual. Ora cu nos tabata mira loke tabata pasa na Corsou hamas nos por a biba pensa cu esaki un dia lo toca nos porta. Corda cu crimen organiza y hopi biaha pa medio di gangnan a bira un peliger grandi pa e seguridad personal di nos pais y nos futuro generacion. Na schoolnan, maestronan, docentenan ta ser menaza; tur hende sa cu tin droga, arma; cu alumnonan ta pertenece na cierto gangnan, hasta diabolico, pero aki docentenan mester keda man cruza, pa medio di menaza tanto na nan direccion como na direccion di nan famia. Mi conoce docentenan cu a durf habri nan boca y a haya como resultado, nan auto kibra, bentanan di nan cas kibra y menaza di ser maltrata si

nan sigui cu nan intento di combati criminalidad. Pakico mi ta cuminsa pa menciona e situacion di schoolnan, pasobra ta aki na unda e futuro di nos pais ta y si e situacion ta asina delicado eyan, anto ta kico por ser spera di e futuro di e pais aki? E menazanan no solamente ta keda na e schoolnan, pero ta toca porta di departamento hudicial, di polisnan, Ministerio publico y hasta e propio Ministro. Waak kico ta pasa den otro paisnan, pero específicamente na Mexico y Colombia, Merca y paisnan Europeo na unda hendenan cu tin di haber cu husticia ta ser mata o nan famia ta ser mata manera cacho di caya. Esaki ta sosode casi tur dia, pero principalmente finnan di siman. Esnan cu ta waak noticianan Internacional sa di loke mi ta papiando. CON NOS POR COMBATI ESAKI? 1. Hiba norma y balor bek na schoolnan. Yuda mayornan den nan preparacion pa lanta un famia decente. 2. Enbes di paga tanto hende na tanto BUVO y Mediadienst sin haci nada, laga nan traha ariba programanan educativo y di prevencion. 3. Politiconan mester por uni forza, tur, pa combati e "maleza" aki cu ya ta birando un peliger. E ta un problema Nacional. 4. Politiconan mester stop di insulta otro, papia idiomanan menos apropiada, dunando asina un mal ehempel na nos hobennan. Por hiba oposicion sin hiba critica a base di hechonan personal, sin ofende otro ariba un nivel baho y vil, esaki ta conta tambe pa esnan cu ta sostene Gobierno. Corda cu ta boso ta e maximo autoridad y si boso ta actua den un forma robez ta e ehempel aki, e pueblo y nos hobennan ta sigui. MI PAIS STIMA SI

NOS SINCERAMENTE KIER E PAIS AKI BON, ANTO NOS MESTER SIÑA NOS YIUNAN E CAMINDA DI SEÑOR. ESNAN CU A LANTA NAN YIUNAN Ariba E CAMINDA AKI NO TIN PROBLEMA OF NAN PROBLEMA TA MENOS. Schoolnan mester introduci bek lesnan ariba e tereno spiritual. Maestronan mester por papia cu mas corahe y fervor ariba Señor siña nan alumnonan e berdadero significacion di ta yiu berdadero di Esun cu a crea nos. Politiconan mester duna e mihor ehempel di lanta diadomingo bay Misa den union di nan famia, sea cual sea e religion o e secta. Na unda tin oracion, Señor ta presente y ey tin amor, tin bendicion y tur porta ta ser sera pa maldad. Cu tur e problemanan cu nos pais ta pasando aden, oracion mester ta na ordo di dia den tur hogar di nos pais. Corda cu nos ta stima nos yiunan, nos pais, pesey ta hopi importante pa pone e parti importante aki den boso famia y boso lo goza di e obra maravioso di nos Señor, cu lo trece tanto bendicion ariba boso hogar y nos dushi pais Aruba. Ami semper a bisa cu nos Pueblo ta un Pueblo creyente ta pesey Señor a pone Su Man Salvador ariba nos pais y a spaar nos di hopi catastrofe. E problema aki no ta di un hende so, no ta di Gobierno so, pero di nos tur, pesey ban uni den oracion pa ainda nos por salba loke por ser salba. Oracion ta e arma mas poderoso cu ta existi y no tin ningun pa venc'e y ariba tur cos e ta pornada y ta bondadoso. Cu Señor drama su bendicion ariba e pida baranca aki. POR FAVOR NO BANDA SEÑOR.

Atan Lee

Gabinete Eman:

Gobierno lo sigui cu determinacion pa busca solucion pa retonan di exterior

STA. CRUZ -- For di prome dia di gobernacion, Gabinete Mike Eman a demostra cu determinacion, cu pais Aruba lo conoce un era nobo di gobernacion, un periodo caminda tur hende, sin excepcion di uno, lo mira nan mes y nan pais progresa compara cu e ultimo dos periodonan di gobernacion. "Nos gobierno a muestra for di prome dia cu nos a huramenta, cu e gobierno aki lo cumpli cu loke el'a priminti, y nos a tuma cantidad di medida, pa duna pueblo bek loke gobierno anterior a ranca for di dje. Nos a bay Parlamento y a

reduci BBO, e medida cu a choca pueblo sin misericordia, na mitar y a yuda esnan den mas necesidad.

Nos a cambia diferente ley, introduci diferente accion, tur pa alivia e presion riba nos pueblo.

E Gobierno aki lo no stop tampoco, ya cu nos ta determina di duna pueblo bek un pais cu e merece, un pais cu el a soña di dje, e pais progresivo manera su lidernan di pasado a lucha p'e cu tanto fervor." Premier Mike Eman den declaracion manda pa prensa ta señala cu ya caba Gobierno a tuma cantidad di medida pa alivia e

presion inhusto cu nan a sufri pa ocho aña largo na man di e gobierno anterior y ya caba tur hende por mira cuanto proyecto ta ser ehecuta pa reconstrui nos pais, despues cu tanto destruccion a ser haci na dje pa ocho aña largo.

Mientras cu ainda tin cantidad di proyectonan pa ser ehecuta, rond mundo tambe tin desaroyonan menos afortuna tumando luga y di cual su influencia ta recore mundo henter y esaki ta inclui Aruba tambe.

E guerra na Medio Oriente a crea un crisis mundial riba mercado

di combustible y aumento di prijs di petroli ta bolbe alcanza nivelnan nunca bisto antes y cual tambe ta afecta nos pais directamente.

Ta contratiemponan i n e s p e r a , desaroyonan cu ningun hende por anticipa pero cu tin consecuencia pa un y tur y mientras cu e ta influencia progreso y desaroyo di hopi pais rond mundo y di Aruba tambe.

Y anticipando esaki, e ta bisa, Gobierno for di prome momento di gobernacion a cuminsa prepara pa e desaroyo negativo aki, pa trece alternativanan mas pronto posibel, cu ta haci nos pais y nos pueblo, menos dependiente di petroli.

E Gobierno aki ta sigui kere den energia limpi, energia mas barata y e ultimo desaroyonan aki ta pone cu Aruba tin cu pone tur forza hunto, y percura pa mas pronto posibel trece cambionan cu ta limita nos dependencia di petroli manera ta e caso na e momentonan aki. Ya caba tur hende por a nota inversionnan cu ta ser haci, plannan cu a wordo presenta, cu lo limita den futuro, cu tipo di



desaroyonan mundial aki, ta afecta nos pais y crea incomodidad pa nos pueblo.

Awor tin cu acelera e procesonan aki en busca di solucionnan a corto plazo pa cumpli cu nos pueblo, cumpli den crea un mihor bida pa tur cu ta biba riba e pida baranca aki.

"Como Minister Presidente di e pais aki, mi ta sigura henter pueblo, cu nos meta y nos determinacion, ta incondicional pa busca y trece solucion pa e tipo di inconvenianan aki.

Mi ta sigura tur hende esaki como Prome Minister, ya caba nos Gobierno tin mas cu un aña haciendo un cantidad di ehercicionan serio pa busca alternativanan cu ta na beneficio di nos pueblo, pa felicidad di un y tur," Minister Presidente a muestra.



N.V. ELMAR

Wilhelminastraat 110 • P.O. Box 202

Oranjestad, Aruba.

Tel.: (297) 523 7100 - Fax: (297) 582 8991

Website : www.elmar.aw

E-mail : info@elmar.aw

N.V. ELECTRICITEIT-MAATSCHAPPIJ "ARUBA" (ELMAR)

brenghiermede ter kennis van haar verbruikers dat de

brandstof toeslag overeenkomstig het bepaalde in de

"Aansluitvoorwaarden" met ingang van:

1 april 2011: 32,49 cent (was 26,83) per kWh

zal bedragen.

**Ministernan Winklaar, Dowers y Visser a cende luznan blauw
riba Willem III Toren**

GOBIERNO TA SOSTENE PLANNAN DI FUNDACION AUTISMO ARUBA

STA. CRUZ -- Den un esfuerzo pa muestra sosten na e iniciativanan di e dia internacional di concientizacion di autismo, conoci como WAAD "World Autism Awareness Day". Na Aruba nos conoce Fundacion Autismo cu ta trahando duro pa promove mas investigacion y desaroyo di programanan strategico pa asina tur esnan involvi ta riba e mesun liña. Minister di Asuntonan Social, Minister di Salubridad Publico y Minister di Enseñanza tabata presente pa hunto cende e luznan blauw na Willem III Toren, pa di e forma aki concientiza pueblo riba autismo. Minister Dr. Richard Visser a enfatiza riba e esfuerzonan cu ta haciendo den e comision di salud mental pa traha hunto cu e fundacion, docentenan na school y dokternan pa reconoce



autismo for di un etapa mucho mas tempran. E mandatarionan claro a duna reconocimiento special na nos fundacion

local cu ta haciendo hopi esfuerzo pa concientiza pueblo riba e ultimo desaroyonan rond di autismo.



HUEZ COMISARIO A PROLONGA DETENCION DI TATA Y YIU MERRYWEATHER



STA. CRUZ -- Despues di a ser deteni recientemente durante un razzia na algun cas y negoshi, diabierna mainta tanto e tata H.C. Merryweather como tambe su yiu P.C.

Merryweather a presenta dilanti huez comisario pa waak

si ta prolonga nan detencion relaciona cu posesion di armanan di candela. Despues di a revisa tur e documentonan di e investigacion Huez Comisario a bay di acuerdo cu e peticion di fiscal pa prolonga detencion di ambos sospechoso.



Ta huur

1 Studio appt Fls 500.00 p/l Fls 400.00
deposit (1 persona)

Awa , coriente inclui, gas NO

Stitua Spaanslagoenweg Pos Chiquito
serca di lama

Pa mas info : 560-3589

Hende serio ta tene lugar limpi y paga bon

Cushina di Nestor

Ta diadomingo awo na cede di
MEP for di 11or di merdia cu mi
tremendo BBO lotin lomito, pisca,
lionribs y galinja riba grill pidi con
bo kier bo plato y nos ta trahe
pabo pasa na cede di MEP.

Ta bende

Un frigidaire (marca Kenmore) 2 porta
grandi cu ta traha ijs den bon condicion
afls. 350,=

Un airco (marca Frigidaire) 18.000 BTU
Window unit afls. 300,=

Un bouwmetr di coriente pa esnan cu
ta cuminsa traha cas afls. 50,=
pa mas informacion yama: 569-4025

Grupo Oracion Bubali cu Caminda di Cruz bibo y oracion pa sanacion

Grupo di Oracion Bubali "Bida Nobo den Cristo" awe dialuna 4 di April pa 7:30 di anochi ta tene un caminda di cruz bibo den Kapel na Tanki Leendert. Despues ta sigui cu oracion pa sanacion. Ministerio di musica manera custumber lo anima e anochi particular aki. Lo conclui e encuentro aki cu canto y alabanza. Un y tur ta bon bini. Corda bini cu bijbel catolico, boeki di Caminda di Cruz y Rosario. Pa 7:15 or lo cuminsa cu e Santo Rosario.

Na number di:

Grupo di Oracion Bubali Bida Nobo den Cristo Thomas Quandus Tel. 582-2145

MUCHA MUHER DI SCHOOL BASICO TA BAY SCHOOL CU ARMA PA REGLA CUENTA

STA. CRUZ -- Diabierna mainta a drenta informe di cu docentenan a haya un mucha cu un arma na un school basico, mesora a dirigi un patruya na e sitio. Na yegada di e patruya nan a bin compronde for di e cabesante cu riba tereno di school nan a descubri un mucha muher cu un arma, mesora nan a kita esaki for di dje y a hibe den oficina y a pase over pa polis. Polis na su turno a pasa e caso

aki pa K.J.Z.P. cual ta e seccion cu ta atende entre otro casonan den cual menornan di edad ta envolvi. Nos lo sigui informa



Exposicion di klas 6 di Cacique Macuarima School

STA. CRUZ -- Durante algun siman clas 6 di Cacique Macuarima School a haya diferente lezing di instancianan. E studiantenan mester a haci anotacion y tambe mester a busca mas informacion di e temanan. Como trabou final clas 6 mester haci un exposicion di e tema cu nan a haya. E instancianan cu duna lezing ta Famia Planea cu e tema peer pressure,

Wit Gele Kruis cu e tema tienerzwangerschap y FADA cu tema drugs. E exposicion lo tuma lugar dialuna 4 di april den e gymzaal di Cacique Macuarima School. Tur hende por pasa y presencia esaki for di 5or di atardi te cu 7or di anochi. Pueblo di Aruba y muy en especial di Santa Cruz ta keda cordialmente invita pa pasa presencia e exposicion aki.

SOUVENIR FESTIVAL na Ateliers '89

STA. CRUZ -- Diahuebs awor dia 7 di April lo tin un apertura na Ateliers '89 y uno manera cu bo nunca antes a yega di experiencia; un gran Festival di dos dia. Diahuebs y diabierna Ateliers '89 ta e escenario di e SOUVENIR FESTIVAL di Aruba.

Na banda di e obranan di arte cu a wordo traha durante e dos ultimo workshopnan lo tin mucho mas!

Bao di e denominador SOUVENIR FESTIVAL lo participa artistanan y estudiante local y internacional, den disciplina manera, diseñado, musico, performance, investigador, escritor y koki nan tur lo ta participe di e gran festival aki.

Bin mira y con vivi con nan tur a duna figura na e fenomeno "Souvenir".

Naturalmente lo tin e exposicion unda bo por bin mira e obranan traha durante e workshopnan di Ateliers '89 pa e participantenan/ artista: Suzanne van Spall, David Winklaar, Eefje van Straten, Wilfred Jansen, Anjo Rotterveel, Adolfo Fernandez Villasmil, Priscilla Lacle, Janine Flanegin, Julianne Paskel, Carina Weaver, Davidson Tromp, Orlando Anastasia, Ferneli Romero, Wengmee Tan, Vera Croes, Nuris Lampe y Facundo Franken.

Banda di tur esakinan lo tin artistanan local y internacional manera: THE ISLANDERS, JAIR BRITTEN, LADY DJ, Glenda Heyliger, Tirzo Martha, Ciro Abath, Osaira Muyale, Ryan Oduber, Kalle Mattson, Staffan Bjork, Magali Reus, Miriam Sluis,

Jannemieke Oostra, Erwin van Amstel, Marthe Willemsen, Sarha Engelhard, Lucia Luptakova, Monica Tormell, Orpheo de Jong, Tarja Szaraniec, Tomas Adolfs, Telka van Dodewaard, Elvis Lopez y tambe Museum of Found Objects, studiantenan di Gerrit Rietveld Academie na Amsterdam Hulanda, studiantenan di IBB na Curacao.

Tambe bo por disfruta di e cuminda riquisimo di e paladar di artista Osaira Muyale. O bo por goza di e pelicanan di arte den aire liber. O serca e shopnan di Souvenir y cumpra asina un di e obranan particular di e artistanan local.

E musica lo wordo presenta pa diferente artista durante e dos anochinan aki di diahuebs y diabierna. Asina bo por baila Diahuebs anochi ariba THE ISLANDERS y Lady Dj di San Nicolas y diabierna anochi lo deleita e publico cu nan creacionan musical Jair Britten y Dj Orpheo de Jong.

Y si e anochinan aki ta smack na mas? E ora ta net bon, paso diabierna 8 di April lo hiba bo, cu mucho gusto, Stichting Rancho, cu un Tour/ Caminata, sumamente interesante, door di e centro di

Oranjestad. E paseo aki lo pasa den lugarnan interesante cu hopi vez pa e peaton normal ta keda sin wordo descubri y keda asina invicibel.

E paseo aki lo cuminsa diabierna atardi pa 2'or PM. Trece si bo mes un awa y proteccion di solo. Anochi lo nos sigui un bes mas na Ateliers '89 cu musica y show y tur e otro for di 7or PM.

Tin hopi pa mira dus nos ta cuminsa tempran. Diahuebs pa 7'or PM. E apertura di e Souvenir Festival lo wordo efectua pa antropologo Sr. Luc Alofs. E lo delibera ariba e sinificasion original di e Souvenir.

Entrada pa e festival aki lo ta gratis, consumo y souvenir si mester paga. Nos lo kier mira bo sigur tur dos dia, pero lo ta hopi contento tambe si bo bin un di dos.

Diahuebs 7 di April 19:00 or Apertura Souvenir Festival

Diabierna 8 di April 2'or comienzo di caminata saliendo for di Ateliers '89



Fiesta Divina Misericordia
Beatificacion

Papa Juan Pablo II
1 Mei 2011

NA PALM BEACH AUTO A DAL RIBA PALO DI LUZ, E WAYANAN CU CORIENTE A CAY RIBA 2 OTRO AUTO

STA. CRUZ -- Diasabra madruga a drenta informe di cu un accidente na Palm Beach unda un auto a ranca palo di lus, mesora a dirigi un patruya na e sitio. Na yegada di e patruya a bin compronde cu e chofer di e Toyota Prado A2534 yegando su cas a bay desvia pa 2 cacho y a baha caminda y a dal riba e palo di lus kibra esaki.

E wayanan di coriente na e palo di lus a keda cu coriente y tabata tira chispa riba 2 otro auto cu tabata staciona. Afortunadamente ningun hende a resulta herida.



NA MONSERAT DAMA CHOFER DI PICK-UP A SALI DILANTI AUTO SIN DUNE PREFERENCIA



STA. CRUZ -- Diabierna tabata bayendo nort cu



atardi a drenta informe di un accidente cu hende herida na Monserat, mesora a dirigi tanto polis como ambulans na e sitio. Na yegada di e patruya a bin compronde cu e dama chofer di e pick-up Ford F150 A21653 a bay subi caminda sin a duna preferencia na e Toyota Tercel blauw A55355 cu

velocidad basta halto. E Tercel a dal e pick-up pone dal un buelta di casi 180 grado, e impacto a activa e airbag y den e stuur memey e airbag a pega candela y a kima parti di e dama su pecho. Na yegada di ambulans nan a atende e victima y a transporte pa hospital.




Lesá Salmo: 39,91,70,103,

Lesá tur e salmonan aki pa 3 dia , pidi 3 deseo

Di 4 dia gradiciendo Dios pa e deseonan
Y bo ta waak nan cumpli pa con imposible
nan ta

Danki Dios





Mementomori Funeral Home

Gradicimento / Invitacion

Na nomber di su rumannan, sobrina y sobrinonan, prima y primanan, ihanan y demas famia. Nos ta gradici tur persona cu di un forma of otro a demostra nan cariño y atencion durante su bida, enfermedad, fayecimento y entiero di nos defunto stima:



Lucia Albertus

miho conoci como: Tanchi


Nos gradicimento ta bay pa tur esnan cu a yuda nos den e momentonan dificil. Nos ta gradici na tur e dokternan, broeder y verpleegster nan di Edmond Harms Foundation.

Alavez nos ta invita famia, amiga, bisiña y conoci pa rezamento tur anochi cuminsando dia 31 di Maart 2011 te cu dia 7 di April 2011 na cas Hospitaalwijk 7. Riba e ultimo dia di rezamento lo tin un santo sacrificio di misa na misa San Francisco na Playa pa 7'or di anochi despues sigui pa e rosario na cas Hospitaalwijk 7. Boso presencia lo ta altamente aprecia.

Na nomber di famia Albertus



Fiesta Divina Misericordia
Beatificacion



Papa Juan Pablo II
1 Mei 2011



*"Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita
Laga tur locual mi ta laga'tras keda bunita
y laga esakinan termina den tur buniteza."*

Cado Wever

Agredecido na Señor pa tur locual cu el'a haci y nifica pa nos, nos ta participa fayecimento di nos querida ruman, tanta

Belia Wernet

mihor conoci como Delia, cariñosamente yama Dea
7 januari 1934 - 1 april 2011

Na nomber di su:

rumannan: Juliana (Checha) y Juancito Geerman
Kito y Sita Wernet
Lucia y Juan Tromp
Maria (la) Wernet
Tica y Cecilio (Siel) Vrolijk
Rica y Nald (Chacal) Wever
Nel y Yola Wernet
Pedro y Supriana Quandt
Maria Kock y famia



Su compañera/ayudante diario:
Yola Wernet

Yiu di Crianza: Alfonso (Ale) y Iris Geerman
Manera yiu: Mayra Tromp
Maximo (Bemby), Emi Wernet y yiunan
Karina, Richard Geerman y yiunan

Sobrino y sobrinanan stima:
Lila Croes, Chen, Ricky, Guchi Wernet y nan famia
Mirla Alegria, Jeanine Maduro y nan famia
Jani, Chai, Leo Geerman y nan famia
Mark y Maurienne Wernet
Trees, Juni Tromp, Gina Bakker y nan famia
Angelo, Celio, Echie Vrolijk, Shahaira Damascus y nan famia
Juni y Ricky Wever
Yonello Wernet y famia, Ileana Wernet

Omo: Ignacio Wernet y famia

Manera subrino: Maiky Rasmijn y famia
Maria John y famia

Su ihanan

Prima stima: Cecilia Wernet y demas primo y primanan, comer y compernan

Su alegrianan, su poponan y su chongonan
Amiganan: Lalia Jansen y Lica Vrolijk

famia: Wernet, Geerman, Kock, Pimienta, Dirks, Tromp, Vrolijk, Wever, Boezem, Quandt, Jansen, Pannefle, Cornes, Solognier, Rasmijn, Croes, Gomez, Werleman, Dania, Paesch y demas famia ta invita tur amigo, bisiña, conoci y coleganan di "Bingo Hall" pa asisti na e **acto di entiero cual ta tuma lugar diarazon 6 di April 2011 pa 4' or di atardi saliendo for di Misa Santa Teresita pa santana catolico na San Nicolas.** E resto mortal di "Dea" lo ta reposa for di 2'or di atardi den Misa Santa Teresita na San Nicolas.

Adres pa condolencia:

The Olive Tree Funeral Home

Diamars 5 april 2011 di 7'or pa 9'or di anochi

Nos ta lamenta cu despues di entiero nos no por ricibi bishita di condolencia na cas.

Nos ta pidi nos disculpa si nos por a lubida un of otro famia den nos tristeza.


TRASH BY RONCHI TA LANZA CAMPAÑA "I LOVE TRASH GIRLS" PA E COLECCION NOBO !

Un coleccion espectacular di jeans, tops, bisti pa beach, "babe sandals", bril di solo y holoshi a yega.....

STA. CRUZ -- E boutique di moda Trash By Ronchi a caba di ricibi un espectacular coleccion di moda pa hende muher (di tur size). Piezanan di moda adecuado pa e temporada actual sigur ta obtenible na Trash. Un surtido impactante di tops, jeans y bisti pa bay lama ta entre e "highlights" di e coleccion di moda nobo. Colornan "heather grey", "bubble gum pink", "violet", "orange juice", y "canary yellow" ta domina e temporada actual.

E tendencia di moda "Hyper Color" ta un ola di colornan fuerte cu a sa di domina casi tur pasarela na nivel internacional. Trash By Ronchi, semper na vanguardia di moda, a percura pa presenta casi tur tendencia di moda pa Aruba. Ya caba e coleccion nobo ta den boutique na Sibelius Straat 81 Na studio di fotografo Jason Margarita e modelonan di KOMA Models (Haischel Dabian, Arantxa Vieira, y Vandana Geerman) a haci un tremendo trabao pa asina presenta e campaña nobo di Trash By Ronchi. "Nos campaña nobo ta all about the love."

E ta un campaña cu ta moderno, dinamico, y ta demostra cu hende muher mester wordo



admira y stima" ta locual Ronchi De Cuba a duna di conoce.

E coleccion di moda di Trash By Ronchi sin duda algun ta especialmente dedica na e temporada di campamento y tambe

na moda mas serio pa ocasionnan cu ta requiri un codico mas restringi di bisti.

Logicamente e "fashion pieces" cu mas soltura y mas coqueta tambe ta obtenible na Trash By Ronchi.

